

芝庭文稿



05369

芝庭詩藁卷九

辛未年祭酒

恭和

御製恭奉

皇太后南巡啓蹕京師近體言志元韻

占協靈辰歲建辛載披圖範叙彞倫農壇早秩周  
官正玉輅方遵虞帝巡 聖孝承歡儀自備 慈

闡錫嘏命重申預宣渙汗咨羣辟順動乾行慰兆  
民貸賦均霑膏澤厚清塵不用羽鑿陳暗移上苑  
燈前月閒盼西郊雪後春景物乍從元節鬯嘉祥

芝庭詩藁卷九

一

常與歲華新江鄉花柳饒生意函夏應書大稔頻

恭和

御製過泰山恭依

皇祖詩韻

高插青旻露氣收盤：十八到峯頭天門雪霽扶

桑曉日觀雞鳴瑞靄浮金簡玉函封瑞牒黃雲寶

鼎護神州昨年秩祀親登陟掩映芙蓉彩仗留

兒孫拱立皆培塿峯在人天最上頭旭日三竿間

闔朗齊烟九點海波浮漢儀四觀隆祠宇秦篆千

秋列郡州未若雲巢

岱頂行宮名

推峻極青方群仰





六龍留

恭和

御製試中冷泉元韻

上映紫虛元顯之晴天下通奔流九曲之長川  
宇內泉經稱一品蓬壺宮闕乃似三神山盤陀出沒  
金隱現唐僧紀載圖經傳飛焰照山驚宿鳥一泓  
漾月涵清泉銀鉼汲取輒轆轤轉地爐火急松枝燃  
朱欄碧甃宛然在風流印合端明仙清風習林  
端起不逢桑苧翁未遇玉川子名泉自經 睿藻  
題中冷洵是浮玉比山僧煮茶供過客從臣渴飲  
芝庭詩藁卷九 二

分嘗此古來溫泉靈液遊幸重

皇心但取清冷

一勺水

恭和

御製虎邱寺和東坡韻

茲山亦名邱入寺不知嶺燦炳明霞沉汲深  
井魚腸與湛盧劍氣光猶耿絕壁動龍蛇深池噤  
蛙鼃勝地鑿雲梯金精初出礦生公峙講臺頑石  
化甍猛上方掛寶旂下界矚遙騁人語可中亭斷  
鼃聲咽哽臨風吊闔廬雲煙換俄頃踏磴未紆迴  
汲泉尚甘冷霽景乍暄妍吟情倍陶永玉局標舊



題 瑶篇繪新景鐵花秀岩深梅梢和月影閣道  
耀璇宮從官奉朝請

恭和

御製寒山千尺雪元韻  
吳門匹練支硎山點綴疏剔為寒泉晴雪卷簾漾  
珠沫輓轡挂樹噴瑤源陡下初嫌勢逼反廣長不  
碍通言詮中虛外秀興且曠導引曲折非因緣天  
光初晴曳澹靄潏潏終日奔澄淵宦光昔年此結  
隱篆書巨觚鐫蒼巒道林去後分片席松門飼鶴  
開閒田山靈忽逐蒼珮至句灑香雪花寂然泉聲  
芝庭詩臺卷九

三

聒耳悟般若翻飛翠羽梅梢間

恭和

御製觀采茶作歌元韻

桑葉初稠蠶未老雷聲動後采茶好風篁嶺畔樹  
千株龍井亭邊泉幾道煥如積雪草含英嫩若敷  
春鷹弄爪地爐候火慢煎筠筐團月徐炒已  
除鳳髓與蟬膏上品緘封充貢少登臨正及摘鮮  
辰不倩茶經佐幽討山家風景念艱辛造法芳馨  
戒奢巧時雨行來甲坼新潤露草木凌清曉

藏硯歌為延清劉大司寇賦



昔日東坡愛鳳味，頓令龍尾羞牛後。端溪三種說  
紛々，猪肝鸚鵡，鵲辨好醜。後來論古等聚訟，片石聲  
名重瓊玖。劉公特識蓮古人，嗜好淡然無俗誘。偶  
陳佳硯，婉尊彝，欸識分明列左右。色兼紫潤起烟  
雲，眼映明星貫牛斗。熙春風日押重簾，邀客來觀  
啓虛牖。欲知石病待磨礪，且試金聲須擊扣。我家  
靈巖山下居，礪邨質賤同瓦缶。奚囊雖自愛臨池，  
不向楮生求匹友。尚書鐵面領百官，薛稷封硯為  
鐵面尚書要有廉隅無薄厚。玉堂新樣冠文章，看取封侯即  
墨壽。

芝庭詩藁卷九

四

慈竹春暉詩

皇上恩覃錫類，歡洽羣心。每顧在廷臣，工輒申教。  
孝之義，乾隆十六年閏五月十八日詢問臣  
母年齒。

特賜慈竹春暉扁額，臣叩戴高厚，感荷榮施，瞻慈  
竹之依依，彌懷寸草對春暉之藹藹，願駐遐  
齡，謹為詩曰：

檀欒踈影暎于清池，紫莖颯々翠實離々。白雲在  
岵，倚閭多思。慈青滿目，用慰烏私。

母訓義方，非耽榮祿。惟竹凌霄，夙稟清猗。直節虛



中甘為撲檄乃侶蒼松乃伴黃菊

堯文煥采宓畫傳珍慈雲靄靄覆此三春白華惟  
潔竹箭有筠養不在腆惟敬斯伸  
以綿寶籙以駐春暉靈壽拄杖携自天台嬾娟韻  
遠簣簣露晞當歸有寄色養無違

秋七月都門祖送兩江制府尹公

自天畀玉節寵命真少雙霖雨徧四國三度泣

兩江鴻鈞襄景運隻手鼎獨扛今春鑾輿邁

湛恩浹南邦沙洲有宿鷺野無吠厖清問咨

列岳朗照洞八窓加惠吳楚民調畀移旌幢悠々

芝庭詩藁卷九

五

賦端行離思那可降

公言藹春溫先籌急當務田禾去雜種海舶無私  
渡情民歸力作歉歲計藏聚殷々保障懷一々深  
情注轉思秦隴間籌邊鎖鑰固江淮猶腹心膏澤  
須布濩所至披德風不煩家戶諭

柱石慶明良星精儲降祉長將葵藿忱上佐宵

旰理秉軸任艱鉅韜德忘憂喜吐握厪深衷人才

細量比散帙綴清吟托契風雅旨偶感歲月遷驅

馳逾艾蒿秋柳蔭長途盧溝不停軌依々惜別心

回首門下士



奉命再視浙學出都

南程發軔報星郵重驗鄉關景物秋纔紀時巡  
施慶惠又敷文教切咨諏越山秀采金精耀禹穴  
藏書玉軸收回首鳳城添別緒微風細雨度盧溝

趙北口

踈地垂楊舊日經新規行殿近滄溟鳬鷗集處野  
烟罩荻葦深時漁棹停客路燕南吟夕照蕭晨霜  
氣落前汀水虞進網長年事多育鱖鰻躍浪腥

遊金山作歌眎敬持上人

金鰲湧翠江心裏四照芙蓉映紅紫凌晨直踞浮  
芝庭詩橐卷九

六

圖巔真影盤陀一柱起今春鳳舫駐江隈琳宮  
新飾妙高臺長江夕照題宸筆三宿纔看翠罕

迴山靈奉職趨水府翼輔蒼龍朝景吐至聖天

心握鏡符侍臣亦得超塵上山僧知道我來重記

憶前年遊屐蹤方丈幡幢覩清供中冷泉味識黃

封琉璃塔燈光可印玉帶捨留原不吝結茆擬訪

鶴林仙隔岸猶聞粥鼓震遙望焦山螺髻旋御風

欲泛中流船乘槎再遣如前度半偈聊叅踐宿緣

重至聖因寺周覽行宮即景成句

悵別西湖已七年重看烟景故依然五雲吐納蓬



壺曉一水清虛皎鏡懸草樹艷陽披錦繡亭臺秋  
月闌嬋娟遙來正屆清霜節黃葉丹楓分外妍  
筠廊曲折徑新封聖蹟增輝瑞靄濃翠岫嶙峋  
亭放鶴香泉噴激澗疏龍卷簾雨濕圖中舫凭檻  
煙飄仗外峯菱唱晚風鷗鷺靜采芳餘艷剩芙蓉  
桐廬夜泊

自七里瀧至烏石灘

芝庭詩藁卷九

七

山東兩崖歛江流千曲危東風一帆便不覺逆篙  
遲綠淨波堪染沙明礫不縉舟師貪利涉夷險復  
何知

龍游道中觀水碓

水勢湧驚霆車輪轉不停渾同臼杵製又似桔槔  
形袖手看偏逸機心觸自靈歲稔白粲少碓戶半  
虛扁

穀江舟次奉先大夫諱辰感懷

太末懸崖峻龍游聚石砭灘聲喧旅枕霜氣射蓬  
窓每悔循陔晚虛慚對燭雙離家事行役有夢附



吳艘

睦州課士以新安江命題有作

新安江水清且深皎鏡洞無纖翳侵雙流成字窈  
窕尋七里鳴瀨和瑤琴細鱗避餌浮且沉石子圓  
淨如貝琛錦峯繡嶺穿楓林山城闌寂霜鐘瘖子  
陵高風謝纓簪薄身厚志萬古欽猿愁谷暗生層  
陰星照魚留驚棲禽諸生耐寒吐朗音西廊樺燭  
宵橫參冰甌滌筆晶壺臨坐愛淳風靜惜冬日  
虛簷照幽襟揚清激濁力所任苦無良謀救饑祲  
鳬舟一葉泛水潯扣舷聊復抒孤吟

芝庭詩藁卷九

八

正月二日由聖因寺過蘇堤至淨慈寺

聖蹟輝清藻慈雲蔭戒壇星辰含曉霧花柳怯春  
寒佛日旃檀供堯天玉砌看鳴鑾猶昨歲

御墨灑巖巒

繫纜蘇堤勝開軒四望佳初春冰泮渚斷港水侵  
階生意舒芳榭元辰寄暢懷欲攀潮上柳好鳥囀  
啾：

湖南標首刹香火自崇寧晃朗開宗鏡莊嚴貯梵  
經早鐘傳上界廢塔照南屏舊跡重来印林蘿始  
吐青



淨慈寺觀五百羅漢像

我聞貫休手寫應真像貯在南海訶子林何年移  
住聖湖刹化城隱現山嵐陰雷峯高塔經劫火寶  
幢重建逾十尋循廊轉入田字舍五百裝塑如鑒  
臨威神具覘毫彩現雕繪非係沉檀鏤身樞緇衣  
動冉冉手執戈盾揚森々金容滿月圓相足青蓮  
捧座華光深低眉努目刀露鼻肩高頤隱默且黔  
或跨獅猊踞虎象載騎鸞鳳翔文禽三明白通八  
解脫無等無量函古今衆生羅拜知怖恐香燈供  
養捐球琛方今 皇圖煥佛日吉祥雲裏山寄嶽  
芝庭詩藁卷九

九

冷泉亭小憩

泉古千年冷亭空一鑑清予懷淡相對兩度卬虛  
明遠邇琮琤響紛垂纓絡橫龍吟歸鷺寺長聽午  
鐘鳴

西湖柳枝詞

東風昨夜染清波露葉烟條奈若何不向湖心深



覈坐無因知道綠雲多  
參差杏萼與桃花掩映長條夾岸斜  
玉帶橋邊堪繫馬  
花神廟外待栖鴉

嶺隔重湖不斷思雙蛾  
新樣入愁眉  
儂家慣取柔桑種  
休對隄邊離恨枝  
舞衣零落舊亭臺  
玉笛橫吹絮作堆  
放鶴仙人湖舫度  
流鶯暗擲錦梭來

蘸碧隨波倒影侵紅欄  
守護故株陰  
飛塵不病風流減  
落墨全宜煙雨深  
拜岳忠武王墓

芝庭詩彙卷九

十

昨年奉使祀湯陰  
今日栖鴉墓  
可尋草木向春和  
碧血湖山凌晚鑒  
丹心銀瓶舊井悲  
蕪沒石虎新碑少  
斧侵鑄鐵千秋遺  
恨在南枝  
長凜柏森々

天竺寺

御製恭和

沃洲梵舍近雲林  
石磴重梯路可尋  
殿倚翠岩猿鳥靜  
龕依虛壁薛蘿深  
樂天吟興忘喧寂  
圓澤禪心詎古今  
一自玉皇香輦莅  
鳴鐘長振海潮音

月夜過紹興

角聲起郡樓  
涼月隱原樹  
暑氣入蓬窓  
中夜起四顧  
浴鷺已非時  
泛蟻不重聚  
千載越人心  
南陽終



見妬回首伍相祠  
濤頭噴餘怒  
幾人采戴興芒屨  
踏行露

由苦竹嶺至百步登紫陽閣

真人仙化霧澗水響清冷竹尾栖鸞鳳松根劖茯苓瓊臺歸羽駕玉笈啓仙經誰授旌陽術飛昇跡暫停

章安試院課諸生

負海復環山儒脩隆德造飛輦試館新誦習升堂與司戶昔誦絃考亭為前導衿佩盛雍容應科傷貶操所期實行敦毋祇虛名盜簷際雨初收蛙聲芝庭詩橐卷九

士

宣野潦坐對景物新忽聞鐘鼓報立志始成童勤學及老耄文質劑彬彬言行歸慥吾懷眷此邦瀕行加慰勞望巾子峯陟巔務遠到

黃巖

渤澥西流滙魚鹽朝販來戶分台郡理功憶斗門恢委羽仙禽化浮橋竹繚隄往來山海界利涉厭喧喧

由柏嶽至大荆營

雞鳴發黃巖殘月照簷隙山巔互搓牙霧氣張幕帟紆迴秀嶺峰曲折巖前驛樹盤鸛鵲巢穴從蛟



蛇宅甌窠畫阪田礪硃露巉石頰々松葉鳴涓々  
瀑流積炎風搖扇青火日張傘赤書冊擔奚囊衝  
暑事行役疾苦問蒼黎去歲憂民瘠

由白箬嶺至荊竹大芙蓉

脩篁蔽天長沉々露日影孔道當岡巒下上勢斜  
整身度層雲巔目窮滄海梗捫蘿軒前顚側足懼  
墮窅負戴人力疲肩輿奮前猛戍亭界嵯峨候騎  
絕馳騁得非永嘉守于此闢奇境遵循荊竹溪遠  
眇芙蓉嶺山下隱士家結茆娛日永小憩納涼陰  
雲生渺千頃

芝庭詩稟卷九

十二

青蓮寺題壁

石壁雲凝翠篠業名同蓮社識觀空香生咒鉢呈  
千朶影淨漪漣見六通再到恍疑鴻爪印前題應  
得碧紗籠清風遠度炎塵隔送客迷踪憶遠公

訪東山書院

斗城疊巘隱雲房中有諸生聚講堂宛似垂虹懸  
瀑布依然芳草滿池塘微涼可濯絺衣露淨綠能  
生墨沼香秀啓東嘉多彥士不須風浴詡清狂

留別永嘉

西射堂邊續舊題暑風吹徹夕陽低欲尋謝客巖



前路野草如烟谷鳥啼  
城環九斗聚炊烟禱祀東甌廟食虔半減繁華非  
昔日依然絃誦盛今年

晴雲漠漠綺霞生飛雨絲絲黑蜩橫海近東南收  
一角時清鼙鼓靜三更

青田舟中待月

劍豎峯々立湍流瀾々鳴更深月初上窈照澹無  
聲蟋蟀草叢語飛螢野岸生青田讀書處秉耒地  
堪耕

按試括蒼即景

芝庭詩藁卷九

三

萬象峰前矚鏡函豁開雲霧辨青藍一邦處士寧  
耽隱十邑諸生盡負擔已繪溪山成錦繡好芟榛  
莽植榎楠兩廊松蓋為棚蔭愛聽風濤起牖南

題金華試院

三洞仙峯覘峭崿雙溪道脉潮滌泗高文豈數王  
盧匹匹學還從鄒魯來祛暑金風培月桂屆秋甘  
雨潤亭槐曉鐘夜燭思前度麗澤流徽緬育才

遊永福寺

浮圖高與發星聯舍衛香塵九級懸秋景那同靈  
鷲隊寺門猶記赤烏年龍腥鉢水初收雨桂發簷



花自悟禪未向蓉峯采仙藥化城興廢石羊眠

桐江秋思

疊翠秋山疊畫開樹梢雲影漾徘徊一竿明月臨  
桐瀨千古清風起釣臺來往迹閒忘暑燠利名心  
澹洗塵埃俯看荇藻澄毫髮那有纖鱗上餌來

歸舟泊錢塘登六和塔

輕帆收處漲痕多寶刹峻嶒認六和俯瞰雕甍翔  
鳥雀遠吞碧海踏鼉鼉聲傳上界風吹鐸烟罩西  
興水息波八月觀潮詫奇絕重來倚棹發高歌

八月十八日恬波樓觀潮絕句用東坡韻

芝庭詩藁卷九

十四

金精朏魄已虧圓秋雨微波乍作寒聞說浪花飛  
勝雪候潮門外萬人看

一線初來駭阿儂靈胥毅魄走兒童白沙漫捲桑  
田外赤甲遙馳鮫室中  
身自奔忙心自悠攬衣羅刹最高頭未湏蕩颺驚  
無際轉瞬滄溟挽逝流  
龍吐靈竒珠在淵方諸滴淚絕堪憐不辭駭噩凭  
欄望欲取波瀾入硯田

風篁嶺過趙學齋副憲墓

獨鎮風篁嶺長眠抱白雲千秋感知已一慟惜離



羣落葉驚秋樹流光嘆夕曛貞珉無諛說冰鑒在

衡文

余撰公墓誌詳述  
視學江右政績

菱湖詞

寒罷芙蓉浪作堆清歌幾處蕩舟迴前溪向晚看  
成鏡更有菱花鏡裏開  
紫角叢叢葉不肥蘋洲水滿浸漁磯菱絲牽作同  
心帶采向西風蔓漸稀

按試茗郡

雙流茗雲水沄沄清遠溪山畫裏分香散白蘋凝  
曉露鏡澄碧浪寫秋雲煙波舊宅尋高士木葉清  
芝庭詩藁卷九

十五

吟憶使君

用柳惲  
詩句事

最是兩齋垂教澤講堂鏞鼓續

遺芬

自茗溪按試秀州

弁山隈隩日沉西夾岸人家傍語溪新藻更牽鳧  
舫楫舊巢重印燕梁泥真如塔火餘殘照欸乃漁  
歌續漫題不獨蘋香愛秋景稻畦彌望獲初齊

烏程美醞泛來遲長水荷衣漾綠漪畫史仲圭能  
繪景名流宏祖解吟詩綺箋筆陣騰雲錦祕緒文  
心出繭絲欲訪由拳讀書蹟谿堂風月萃於茲

登烟雨樓懷朱竹垞先生



不須山翠鬪嬋娟勝景南湖在眼前西水驛堆青  
菜甲小長蘆接白鹽田賦高鸚鵡才難遇湖號鴛  
鴦人比仙幾度含愁懷彼美永垂黃絹有新編

科試武林示諸生

金牛沙耀舊名邦劍氣如虹鼎獨扛到處湖山真  
第一故應文藻迥無雙馳聲漫說登龍李鬪藝欣  
占夢筆江耿々玉繩星火炯分陰愛惜共寒窓  
鳴鹿纔過試未闌熙時選造萃琅玕雙眸那得無  
疲照隻手終思挽巨瀾嘉祐崇文追雅正儀賢列  
秀盡單寒慈宮早注神仙籍不待朱衣點首看  
芝庭詩藁卷九

去

科試紹興時屆長至

清霜飄瓦轉和融閣署蓬萊堆堞崇昨歲鑾輿  
臨禹廟至今宸藻麗王宮書探宛委文峯峻學  
訂姚江道脉通是處山川相映發秋冬寒歛肅高  
空

短晷無虞髻雪侵靜探易理見天心書雲景象高  
臺驗添線工夫密室尋赤堇寶光猶映射苗山竹  
箭迥蕭森剡藤寫盡三千牘偶賦吳歆引越吟

禹廟覽古

恭和  
御製

禹甸分疆古神祠報享崇鴻規虔執帛儉德紀卑



宮世系傳勾越登臨自史公惜陰心自懋乘載績  
何窮栝栢扶梁聳龍蛇動壁空明裡稽拜肅萬禩  
契成功

蘭亭

恭和  
御製

迴盤巖壑鏡中行脩竹微枯筍又生  
夜襖每思蘭渚節咏觴猶記晉賢名  
擘窠載仰貞珉煥倚檻爭看細草榮  
墨榻流傳推定武紙窓展卷待閒評

甬郡試院書懷

四明台宕競崢嶸大海回瀾日夜生  
象映樓臺蛟島沒光涵烟水月湖清  
應麟博洽文尤敏沈煥高芝庭詩橐卷九

十七

明詣早成一自梨洲編學案姚江派別不須評  
澤國波澄氣候寒青衿鵠立怯衣單移來冰鑑明  
無滓借得藜光照漸闌風撲虛簷文几淨雪飄隙  
瓦筆花攢品題敢負羣倫望茹納還同渤澥寬

過上虞題蔡卞書曹孝女碑

清江雪練深三尺孝女澄心同映白扁舟未獲謁  
遺祠忽覩拓碑耀穹石生賤死貴事絕稀書由元  
度良可譏東都二蔡害忠謹誼以惡札揚芳徽越  
俗迎神巫覡舞河女歌聲傳樂府記得龍舟五月  
嬉下投綵縷喧鉦鼓

俗傳五月廿一為孝女誕辰龍舟甚盛

孝義須



由勁筆持右軍楷法重鸞池若將碑碣重磨刻萬  
古星辰照色絲

二月朔金華

文廟丁祭

雍容釋菜地俯仰升堂儀青松峙鬱々春雨洒絲  
絲婺郡盛理學鄒魯教未衰紫陽有世適麗澤重  
承師何王與金許四子名並垂雙溪水西漚三洞  
峯高敬崇文際昌運林深翳緇帷求學忝華簪  
承乏擁臯比上丁詠日吉申詠采藻詩章縫袍撲  
漱敦行無瑕疵努力師古人薪傳應在茲

試竣登八咏樓

芝庭詩藁卷九

十六

乍啓龍門院閑憑雉堞隈社辰逢燕到麥隴看花  
開清韻人如昨芳時客又來何能宏麗澤聖水自  
西廻

仲春過桃花嶺作

雄關俯一綫壁立勢逾迥重複阡垣墉包絡分畦  
町負擔阻且嶮行人息俱屏松杪出成旗設險賴  
此嶺維時春尚寒東風吹透猛滿山皆殘燒樵人  
避虎警忽觀野桃開淨照溪流靚憶古誌名賢蘚  
篆封幽境碧澗響潺湲脩篁搖綠影仙都高不極  
凝望雲光冷



臘陽試院即事

春陰積潤少晴曦處士芒寒隱曜宜枯郡多山烟

似幕清明應節雨如絲基培榛莽添新舍

郡守賦  
連新建

蓮城書院化洽荒陬愧衆師讀罷昌黎脩學記繪圖廟

壁有餘思

上已至石門洞觀瀑集稷帖字

無異山陰迹臨文契昔賢清湍崇嶺外脩竹暮春

天初地遊人少虛亭歲月遷興懷左右騁水次亦

欣然

不舍殊今古同流大化隨暢觀齊萬類幽叙合三

芝庭詩藁卷九

十九

時俯仰娛咸集形骸感後知風和長日靜禊事此  
相期

東嘉試院

百六芳辰客裏賒東甌依舊擅繁華不曰海氣方  
生雨連覺春陰欲釀花人憶六朝添秀采城環九  
斗映明霞此邦風景輕拋却鷗夢長存越國槎

龍湫

天上銀潢瀉鴈鴈湖鱗而犖确勢盤紆劈空龍水興

鯨甲倒影虹霓濺雪珠凶面嵐容隨景換

一峯四  
名曰天

柱剪刀捲  
旗一帆

六時響應百靈俱所欣蠟屐重来過拂



拭飛泉注玉壺

淨明寺小憩

懸崖嵌石屋架棟結雲巢窈曲菴藏塢陰森樹拂  
梢嫩茶初焙火新笋盡抽芭行脚無緣住枯禪此  
結茅

老僧岩

怪石似僧々化石一領袈裟薜痕圻我自謝公嶺  
上來瞥然相見如揖客東西兩谷百卉春踟趺兀  
坐遺其身祇憐入定八萬劫不見如來轉法輪

萬年藤杖歌

芝庭詩藁卷九

二十

萬古陰崖雪霜結天矯藤蘿蟠作節砍來半夜神  
鬼驚携出雲根石痕裂山僧贈送九節枝伴我瘦  
影呈離披卓錫鏗然響虛寂祇恐仙蛇隨葛陂昨  
聞詩老携筇健採歸芝朮行踪遠既登華頂辨迷  
濛還度石梁量深淺礫砢變化騰作龍削存骨幹  
標竒蹤精堅自可振枯槁靈壽洵足支衰慵不用  
長房術那得壺公逢但願紆磴振飛策萬年寺畔  
陟徧青芙蓉

贈齊次風少宗伯

亭々華頂雲鬱々蔓蘿樹中有博辨儒遠近咸景



慕名高著作庭縹緗羅四庫賜藥得養閒息機起  
清悟愁病未霍然形容喜如故祝君加餐飯勿蹈  
烟霞痼折麻心莫展剪燭此相遇欲憑孫公綽朗  
誦天台賦勝境得津梁不憚芒鞋赴明日裹芝糧  
徑踏巉岩路

赤城

台岳南門映碧寥不知霞彩建高標絳宮草樹新  
烟冷丹竈龍蛇舊迹消洩竇亂雲穿洞室洗腸寒  
井天瓢徐看赭色陰晴換便欲捫蘿度石橋  
由國清寺度澗至高明寺

庭詩彙卷九

廿

衣濕丹崖雲林深梵宮敞對塔五峯尖合流雙澗  
響劫火幾遷移明霞映堦墜中有飯猿臺樵徑蔽  
巒晃欣茲物外遊不憚雲際往急溜鳴潺湲繁匏  
穿竹蕩竒石冒藤蘿仙葩茁榛莽撫景悅心顏行  
飯投方廣淨名智者師定光虛室朗古洞覓圓通  
翻經恣偃仰春芳雖已歇夏木猶堪賞

石梁憩曇花亭

玉龍蜿蜒墮為石橫插長虹架龜脊劈空鬼斧地  
軸翻倒瀉銀河斷橋圻搖光弄影白晝寒轟雷聒  
耳奔飛湍真宰何心洩靈閼凡蹤欲度攀登難佳



廬天都俱遜此五百僧伽雜坐起一時躡屐解煩  
醒身在曇華開落裏滅度闍黎住化城梅溪重到  
悟前生妙髮恍觀雲千葉瀕洞如聞海水鳴

宿方廣寺

上方鐘鼓報黃昏隱現金毫五百尊天際石梁翻  
在下殿前飛瀑不知喧禪牀一宿留書偈印月三  
更悟性源何事僧寮出山去經堂寂々颭風幡

萬年寺次潘稼堂韻

莊嚴龍藏峙經樓門對諸峯萬壑幽香釜固因初  
祖設賜衣直為聖人留福田經始如親到方丈高  
芝庭詩藁卷九

廿

空許獨遊羅漢青松長不壞好從一指悟竿頭

華頂峯歌

嶽鎮發脉由崑崙綿延突兀撐乾坤帝虞東南傾  
越角特擎一柱天台尊天台周環五百里危峯飛  
嶂形騰軒其高萬有八千丈帝座呼吸手可捫華  
頂之心透天頂玉霄葛閣青無痕四時少晴晝多  
晦陰崖雪瀑銀河噴東望滄瀛如杯水萬山翔舞  
升朝瞰括蒼鴈宕青數朶旗鼓布列鸞鳳翻纓絡  
紛垂菡萏簇中峯屹立香壚躡瑤瑤琪花被澗谷  
雲輶玉節趨朝昏神仙丹竈隨地設緇侶拜經逐



隊繁欲為山靈掇菁蓀誰能濟勝離邱樊九閼是  
靈足游戲冲舉無術增愁煩邈然頓增人代感吾  
生有涯托空門渴漱乳泉飲花露飢摘松菌餐蘭  
蓀六銖衣輕鍊形魄九節靈杖拖雲根凌風應借  
黃鵠翮摘星峯畔排天闌

茅蓬雜咏

團々茅蓋薜蘿封巉絕懸崖瀑布衝戶外聽經看  
虎伏林間採藥覓猿蹤  
不設繩牀不設門光生虛室白雲屯自從高卧三  
冬雪懶向人間覓火溫

芝庭詩藁卷九

三

劇來黃獨採松花午夢清虛日影斜瓦鼎燒殘僧  
入定那須香積飯胡麻  
祖庭何意着蒲團山鳥溪花帶笑看欲訪遺踪尋  
拾得恐教饒舌遇豐干

清涼寺贈質瞿上人

中台須接引覺路得清涼援鶴栖山靜松杉滿塢  
香文公堪共話白社識同鄉欲往臺懷路披圖逸

興長

質瞿欲遊五臺繪  
清涼山圖以見志

覽勝未竟度滕公嶺有憶作

陟磴渾疑上紫京雲生足底筍輿輕明霞紺雪時



相間瑤草琪花不識名柳泌鍊丹留玉井興公作  
賦振金聲悔橋可到終難度那得神仙抗手迎  
昨宵細雨掩瓊臺今日晴明豁霧開拾得尚看遺  
竈在應真曾記化身來笑攜蒼杖過層嶺輕著芒  
鞋破滑苔一出藤蘿門已閉夢遊天姥重徘徊

門人王誥校

芝庭詩藁卷九

廿四



芝庭詩藁卷十 癸酉甲戌

長洲彭啓豐翰文

寄懷沈樹園

舊識能詩沈隱侯，繡衣持節海東頭。  
三山本覺扶桑近，九點遙看貝闕浮。  
行部仁聲清案牘，散衙朗詠擅風流。  
西溪莊上梅花放，重憶題襟托夢遊。

南山亭周覽小有天園

縹緲孤亭近蔚藍，磨崖方巘鑿幽龕。  
山南洞啓壺天景，湖上迴看鏡宇函。  
瑤圃編籬滋露槿，綺窓罨畫寫雲嵐。  
自從宸榜輝巖岫，淨徹飛塵象外諳。

芝庭詩藁卷十

一

萬松書院贈魯秋塍山長并題西溪新築

石徑雨餘滑松風，候乍涼河汾多著述。  
月旦重游揚鱣座，推前席萍踪欲倚牆。  
經生來問字，屐印草亭芳。

周南留柱史，別業向西溪。  
梅圃尋無恙，漁舟訪欲迷。  
衣冠成太古，書冊檢同攜。  
佇叩華陽館，先從谷口題。

留別雅樗亭中丞

鎮海樓前駐絳騶，來時飛檄起輿謳。  
甫申自昔推屏翰，房杜于今重斷謀。  
讀史胸中多偉畧，經時掌



上運先籌胥濤風靜江塘固只願黃雲稼有秋  
高標嵩華領班行到處霜臺振紀綱兩載欣瞻裴  
令節三秋得捧庾公觴聖湖淨綠澄心映楓樹酣  
紅別緒涼莫訝臨歧傾慕切舊霑霖雨徧金閭

過嘉禾晤錢香樹前輩

白雲聽履少清塵黃綃編詩玉筍珍久識賡颺推  
鉅手羣欽風雅印前身洞霄乞授頭銜貴華蓋扶  
輪嗣美新三塔寺前停棹訪滿湖煙雨採香蓴

端溪

端溪自里門依々戀慈母懷菓橘盈筐擊鮮魚在  
芝庭詩藁卷十

二

留趙庭五日期視膳祝萱壽停雲貯南軒涼風驚  
北牖拜別尚牽裾嗚咽難出口相逢非舊遊相見  
多老叟少壯景難追桑榆枝易朽井邑悵離羣河  
梁乍揮手束裘奉簡書駢々歌四牡

毘陵遇莊書石同年話舊

雲陽道上聽吳歌執手同君離緒多話到淮徐興  
版鍾憂民無力挽洪河

贈嵇黼庭少農閱視河隄

黃樓崔嵬清口淹奔騰城角齊茅簷高堰堤工亦  
衝塌淤田痕浸寒蘆興漢室宣房計籌畫謠歌聲



子愁思添知公磊落出儕輩才猷敏練抽鋒鈇司  
農經國任水土事有籌度兼洪纖衣裘短後吉光  
耀三門砥柱功可占我自淮壩溯青兗悠悠心旌  
馬首瞻九重方厪宵旰慮六時封章達郵籤聞  
道安瀾已有兆朔風吹透衡茆簾況有先祠載明  
德荔蕉潔薦對越嚴身作金隄衛城邑手調玉鼎  
和酸醎他時淮海紀功績萬口爭喧忠孝兼

新春瀛臺即事

御製恭和

令節韶光近閨蓬寒凝太液逗和融曙輝彩帖千  
門外春曉冰池一鑑中臺榭影涵芳樹雪管絃聲  
芝庭詩藁卷十

三

雜試燈風滎河已報金堤合功叙歌成盼屢豐

丁祭前一日敬瞻

聖廟陳設因呈教胄諸君子

強圉齋肅辰成均閎敞地入廟習禮儀升堂觀祭  
器文石淨纖埃古柏蔭深翠宮牆道自尊美富蘊  
允備竊愧通籍身未獲列茲位瞻陞心凜然執玉  
恐失墜諸君司教胄造詣日深邃六館化雨沾諸  
生四時肄禋祥萃鳳麟穹碑負鼎竊從來祭于公  
曰惟敬其事天下皆建學規模更無二大昕振鼓  
鐘園槁擁旗幟度數稽豆籩書為太學記



春日暫視九門堆撥登城四望作

蔥鬱神京繡作堆登城不駭陟崔嵬  
門烟樹三春壯瓊島樓臺萬衆開  
鎖鑰輦來傳杵近鑾輿  
盱自上陵回祇緣振旅襄  
巡戢因騁遐觀俯八垓

天廐飛龍歌

房星燭地生驊騮霜蹄蹴踏風颼騰  
黃一點電影流照夜白色凝金秋紫  
駟斑駁雲錦浮玉御戲滾舞繡球  
三花剪鬣筋力適六印鈴髀雕鞍鍍  
八旂分隸衆圍周塵埃滿目屯長楸  
得勝門外數匹芝庭詩藁卷十

四

籌會逢灤京奉宸遊

沙漠萬里馳致郵長鳴待

馭控勒柔飛龍殊兮侶蒼蚪一萬千匹俱低頭自  
從遐荒懷畏衆聲教不限風馬牛長年考牧儲薪  
輶兵樞撥遣寧優游載稽沙苑苜蓿稠唐家驪驪  
散不收權奇未免伏櫪愁何如太平戢戈矛逸羣  
駿足陪絳騶歌成天馬煥大猷歲々羽獵勤春蒐

午日

賜南巡詩墨刻三十二種恭紀

蒲筵搖風午漏稀  
散聯寵命捧垂衣  
江山流峙紆清咏  
龍鳳迴翔照紫微  
摩得銀鈎驚筆陣  
絢來墨搢耀巖扉  
驪珠絡繹榮光被  
志切麇麇懷寶歸



由得勝門至密雲

高下坡陀輦路橫方輿北去紀初程雲從千仞峯  
巔出風逐三關馬尾生漲徙金溝無舊館烟炊石  
匣有新營愛看黍谷油三茂旬日秋霖暑氣清

南天門眺望

崔巍樓堞九霄層拱極當關試一登石狀谿訝疑  
伏虎秋旻寥泚欲呼鷹九封峭壁盤龍轉車闢嚴  
扃蹴騎騰頓覺蒼涼吟眺遠秦城漢壘鬱嵒增

長城

古稱飲馬長城窟猶照秦時舊明月祖龍興築逞

芝庭詩藁卷十

五

雄心揮杵聲喧民力竭太行西來勢蜿蜒留幹嶺  
據崇岡偏高墉能障鐵騎走行人指點情黯然時  
清在德不在險防秋那見旌旗閱北涼亭館竟何  
存芙蓉山翠攢點

出古北口

燕遼左臂塞雲開鎖鑰森嚴勢壯哉驛館更番排  
甲仗烟氛突過出塵堆龍沙展望提封濶鳥道盤  
空躡磴迴經畧九邊寧謐印中樞佐職愧非才

過青石梁

曉行駕長虹馬首踐巉石高入青冥端橫印飛梁



迹雲根倒拔重石叻仰歎逆林岨繡蘚苔隘口森  
劒戟藥草滿山香泉流漱甘液霧雨濕溟濛天光  
漏晴隙炎涼不辨時登陟戒行役宿頓近山莊候  
蟲鳴秋夕

喀喇河屯遇雨

地擁神皋水抱原圍場中有樂遊園嶺雲帶雨長  
林濕秋草如烟牧馬屯虬箭無聲飛蚋靜帳燈已  
暗墮螢繁却忘塞苑清涼景疑聽擎荷滴瀝翻

熱河山莊

清暑絕氛霾山莊處佳儉無丹牖飾涼有碧雲  
芝庭詩臺卷十

六

齋趵突噴流湫錘峯戟樹排秋禾看早獲鴈塞合  
圍偕

縹緲靈槎度周阿碧甸橫麗譙高百尺翔鳳出重  
城數澤蒲蓮引巔崖菌蕈生悠然濠濮想積水泛  
滄瀛

睿吟三十六佳景奉清娛苑藥收鸚鵡圖書貯閤  
壺晶簾花四面水殿鏡平鋪錫宴裁箋日詞臣荷  
寵殊

旦晚炎涼異嵐深霧氣蒸早凝金掌露閒貯玉壺  
冰驛載行厨脚旗翻校射壩明朝天仗煢樾驥盡



驍騰

玲瓏峯

路轉中關窈窕逢欲通脩阻攝衣從雲根硯旌揮  
千斧月戶朧朧列四重紺壁構虛凝玉乳翠屏殊  
觀掃芙蓉仙人棲止翔鸞鶴好叩崆峒訪道蹤

大寧城懷古

金源行殿草芊眠瓦剌當時烽火連遘患撓因河  
套棄藩封重覩大寧遷乘輿數出籌三衛甌脫相  
讐及百年今日斜陽駢背裏化城宰堵渺雲烟

恭和

芝庭詩藁卷十

七

御製山田

山石多硤礫屢從礲堯過山溪互洄洑派蒺伊遜  
河誰習佃田業樹藝梁蒜多溝塍向陽隰露白旋  
收禾顧茲種植好未免畜牧少牛馬以谷量致富  
自有道部落今何如依山擅帳居酪酥充食飲射  
獵為嬉娛耕桑變風俗得似中華無尉候一彼此  
遼陽通化理東耒釋兜鍪牽車熙婦子邊戶裕饒  
胥巡方意深喜

恭和

御製西北風



氣肅扶搖迥涼颼大漠空白藏方滌景紫塞聿歌  
風北向聽鳴鴈西征快躍駢蘭臺援作賦響應八  
方同

恭和

御製塞外雜咏十二首

種廬

憑虛作棟寄居那移載長年任橐駝形似圓穹天  
蓋近質因柔毳物宜多詎同夏屋張軒戶足庇秋  
風卷蔓蘿駐宿不須論遠道郵程到處是行窩

駝裝

芝庭詩藁卷十

八

塞外蕃生有紫駝資裝裹載亦堪多薪芻計給同  
牛馬寢伏牢籠近澗坡峯影斜陽看聳峙鈴聲替  
戾慣經過儲胥足佐行營用不患高岡失足蹉

馬絆

天驥原應千里馳繫維曾寄牧人思本因在廐調  
金勒常恐奔蹏脫玉羈改後跋前馴飲齧嘶風望  
月隔岡陂防閑自謹逋逃失龍性能教伯樂知

風竿

占營得地影飄搖彌望連山矗紫霄高颼一竿隨  
蹕換巧分五色當旌招相風烏轉人歸帳近市帘



翻客認標向夕蒼茫迷野景繁燈星火照深宵

雨溝

初看屏翳過峯頭計事應深未雨愁滲漏難營陶氏瓦周圍試濬遂人溝杜陵丈人爲遊地管子脩防閑急流茵席無虞沾灑濕撻因勤力預綢繆

設卡

斥堠森嚴結陣雲圍塲駭獸起塵氛寅朝置頓東西接詰旦從公左右分試展長楊隍射獵依然細柳整戎軍觸藩有象無驚突獲物充盈重策勲

地竈

芝庭詩藁卷十

九

隨地晨炊添設竈役夫飲馬掘壕深只緣蓐食宜軍旅合比行厨備釜鬻然得枯枝薪不厝鑿來土穴突無黔沙塲樹下形相似增減從時古逮今

安市

行賈如雲關外來紛紛負擔起喧阗後營預向前營徙朝市更番暮市開逐獸打魚非殖貨採薪饋米自餘材日中權度遵王制持得緡錢貿易回

征衣

糾桓奮武絕塵趨檢點衣裝乍戒途製豈刀砧裁密縫時因風雪鍊微軀彎弓隊裏誇黃裙索筆班



中曳綠蕪短後最宜陪豹尾佩韃日々跨鞍俱

銅晷

歲運疇人倣太初郵傳行漏製何如銅儀表裏從  
新法渾象玲瓏合舊書常以轉旋馳刻晷更因分  
杪計贏餘挈壺夙擅專家術馬上瓊籤足警予

頌鹿

豐草長林萃獸羣獲鮮分衆令初申張羅萊野馳  
行騎舉勞官庖屬膳人雙角瑞看呼密利一鬻均  
賜逮臣隣從禽自按三驅節仁及歲隍息怒嗔

和詩

芝庭詩藁卷十

十

天縱揮毫積帙詩雲箋疊進必親披黃鐘獨振筵  
無響神馬行空駟莫追風雅 睿裁歸典則賡歌  
依陞闡心知扣槃捫燭慙孤陋垂照容光鑒衆嫺

恭和

御製蒙古土風雜咏十二首

乳筍

以皮為之平底豐下而稍銳  
其上將乳盛之於取携為便

物用多資韋與皮取携直捷古風遺觔形銳頂傾  
如注桐酪醇漿貯應時陳向黼筵金椀捧繫來驥  
子玉籠羈蒲萄美醞涼州貢遜此甘酸味不移

荒田

農作非蒙古本業承平日久依山為田既耨種則四  
出射獵秋獲乃歸耘耨之術皆所不講俗云靠天面



塞垣何處濬陂川山下平蕪半墾田得雨便看禾  
被隴燒荒仍見草連天牛羊散牧斜陽外萸稗收  
藏白露前未習中華區種法順時成熟也熙然

鄂博

蒙古不建祠廟山川神示著靈應者壘石象山塚懸帛以致禱報賽則植木為表謂之鄂博過者無敢犯

植木森々白石磷山川感應有明神爐香一縷惟  
懸帛俵鬼為鄰不見人郢樹脩門巫夢掌吳羹芳  
炙臙筵申那如誠意通沙漠報賽同吹葦籥幽

革囊

紐草為囊以代筐篋盛食食用鉅細畢納行汲以貯水涉川則挾之肘間亂流以濟俗呼為皮飽飽

紛々擔荷走僮奴皮鄴相將備物俱體以浮沉匏  
有葉裝因束縛器盈孟鷁夷遠泛憐吳相馬革為  
芝庭詩藁卷十

十一

囊壯漢儒最是番兒遊牧慣水流清淺笑翻軀

柴車

取材于山不加刻劉輪轅畧具以牛駕之則輶輶有聲如小舟駛乃

取材何必工雕琢粗具輪轅載已多制彷彿圓翻  
輾輓聲同欵乃涉溪河沙平草軟驅黃犢斷澗荒  
坡伴紫駝部落纏聯相接送擔薪汲水日經過

骨占

多羊角骨祝其兆以卜吉凶猶占龜卜

觸藩隨處有羔羊躋首堪憑火炙揚豈比著莖通  
造化聊同龜圻悟機祥瓦占術擅通西域雞卜風  
傳徧夜郎細數金錢湏暗擲固知物理吉凶藏

馬竿

生駒未就羈勒放逸不可致以長竿繫繩縶致之



異產荒原慣逸繩一竿縻致息驍騰魔肱自有牢  
籠術曳練應知控馭能貢出蒲梢銜苜蓿舞陳詐  
馬躍岡陵圍人惆悵工調習考牧由來以德稱

兒版

兒生令臥版上革束其兩臂倚檀廬壁  
間啼則搖之徙居則懸于駝裝之後

襁褓情同可愛憐檀廬束縛臂纏肩鵬兒自小裝  
駝背菟乳初生露鵲拳挂壁有如操負版徙居不  
用裹犀錢幼成天性勤勞慣吟泣無須解倒懸

灰簡

木削兩簡編韋聯之稍刻其中塗油而布以  
灰作字畢則拭去而更布之有古漆簡之風

繡譯同文疏妙言六書變體記金元韋編可貫劍  
其節漆簡依稀拭尚存只取縱橫成掌記本無印  
芝庭詩藁卷十

十三

篆習專門淳風渾噩飛灰布上古結繩可並論

竹筆

蒙古產毫穎而未得縛筆  
之法削竹木漬墨作書

綠沉橫偃任誰揮逐兔中山獵未歸縛穎無方尋  
舊傳剗筠有墨漬新衣選材約畧分尖禿記事糗  
糊辨是非吳律趙毫空闕巧不如馬上羽書飛

口琴

製如鉄鉗貫鉄絲其中銜齒牙以  
指撥絲成聲宛轉頰挫有類琵琶韻

悠揚不是管中吹新樣狴賓鑄鐵為宮譜中聲調  
齒齟檀槽逸響出金絲木蘭樂府纏綿續蔡琰胡  
笳按拍知依約琵琶秋塞曲好教協律侍闕氏

轉經

木輪中貫鉄樞可轉動集梵經于輪間大者  
支木架以手推之小者持而搖之旋轉如風



解脫西來貝葉文不須煩惱與歡欣風輪一鼓消  
塵劫木佛千幢契妙聞忉利天中旋有極恆河沙  
界播無垠只將手運神通力消得維摩諷誦勤

柳條邊

黑山不斷遮雲霧銀礮無邊障行路忽看踈地作  
笆籬迢遞征途幾迴顧南至朝鮮東盛京荒坡古  
磧第難行將軍專轄分砦堡威遠禁嚴同越城臺  
兵聚市時相語中外隄防重守禦磨磨竄走觸藩  
來鴻雁翱翔銜羽去君不見柳條青時沙水融髡  
來作薪逐短蓬柳葉黃時編作塞枯樹寄慨金城  
芝庭詩藁卷十

十三

同馬上停鞭話今古羶帳依山水草聚沙塲永靖  
荷戈閑整來茸帽軍中舞

塔兒頭

流水赴隴頭嗚咽聲入耳誰知地濕湫行人多畏  
蔥泥泥二三尺沮洳覆萑藋累成塊墩斑斑濺  
衣漬凝色如鐵鏽不見曦陽晷遊根多曳牽失足  
即墮水車載恐脫輻馬行怕施蕪蹴踏凜斯瀆前  
途沒行李千金戒垂堂賈勇輕改履唐宗征高麗  
阻淖二百里布土作長橋援枹進兵始壯哉遼陽  
役貞觀耀前史恢宇際昇平朔漠成砮矢車騎快



遄征不用乘輜櫟

恭和

御製車駕至吉林得七言長律十二韻

自入遼門路尚迢不咸在望慰崇朝倚江作鎮煙  
雲護建木為城樺柞饒未到沍寒秋正好在臨霜  
旦氣方調神淵毓瑞龍潛海絕塞恢圖鶴化遼覽  
勝瓦江搜闕畧紀聞松漠遡殷遙功同乘載師神  
禹典重封山述帝堯則壤賦輕因土瘠鳴鳶儀備  
鎮民佻樹蟠獲草烟籠曉魚捕鰾鯉火暎宵舊俗  
覆郊差近朴流氓移籍尚無澆挽強甲士迎天仗  
芝庭詩藁卷十

十四

述職藩封統衆寮褶剪鷺兒山寨勇舟移畫檝水  
軍驕東隅快觀金輿轉北極遙傳天馬謠

望祭長白山

吉林城南辨方域毓秀神區當紫極飛虹東鷺薄  
扶桑享殿崔巍祚神力齋心候曉凜森々秩祀升  
階通默々瑶函啓告遡鴻濛衮服凝承契明德風  
雲擁護百靈從山海朝宗列衛飭早識天心眷顧  
東永呈瑞景滄瀛北曾聞遼水出白平鞞鞞之墟  
峯巒崩稟糧探視畏蛇虺其中禽獸皆白色聳誠  
積感自歲年瞻望無從假羽翼只憑陟降格靈祇



不效亭云事繁飾

自吉林下圍場雜記

帶礪纓山撻茂林將軍秋獮乍從禽終年樹色遮  
天暗樺柞榆椒密復深  
五更列炬照山隈積鐵嶼巖響若雷漸近平岡收  
燎火踐來落葉簇成堆

榛松結實墮林樾霜旦爭催萬木彫別見仙莖滋  
瑞草三楹異本燦靈苗

行營隨處得泉源月近中秋綺浪翻華渚紅雲籠  
紺壁壽山如畫捧堯尊

芝庭詩藁卷十

十五

天弧一簇射熊羆少昊前驅捷足追黃燾中央開  
陣法藍旗分翼布圍時  
烏喇操舟疾似飛巔崖上下逐禽歸生來勇悍資  
漁獵不共流民着鐵衣

恭和

御製行圍即事三首

鷹出遼東盧出韓秋原獮狩合圍看乍經谷口霜  
凝樹前轉峯頭日上竿羣鹿踉蹌迎箭疾野麋儼  
俟踏泥乾獻禽祇奉慈寧膳衛士從公盡早餐  
深林密箐屢盤徊關外蕃王扈從來五色雞翹搖



羽幟六飛駿足捷鈴鉞黃榆不斷周陞合白鴈初  
橫秀嶺開虹采蜺旌誰撰賦先瞻宸綦倚雲裁  
封巒紆譎淡鴉青列々裛々現衆形虎豹牙鬚驚  
石罅羈腰角距脫山庭天垂罕畢成星象塞茁蔕  
蓬効地靈用洽羣歡數軍實三驅按節志和寧

恭和

御製輝散故城懷古

跨時固原氣象雄

龍興大業肇關東背盟適築

鯨鯢觀掃蕩親擐甲胄躬落日城垣留斷梗秋風  
金鐵想臨戎對揚神武恢前烈草昧驅除佑

芝庭詩藁卷十

十六

帝衷

恭和

御製新月

重覩哉生陰曜景不禁三度象更新青銅出匣初  
磨鏡玉葉穿雲欲躍鱗灔々無波斜挂斗纖々有  
影動懷人授衣令序傳砧響塞上猶歌七月豳

恭和

御製恭謁

永陵

生民裡祀配天同弈葉貽休裕鎬豐追王禮儀隆



一本靈山封號峻三公紫雲松栢龍蔥外丹馭衣  
冠想像中跋履不辭程路遠星霜十載屢宸衷

恭和

御製恭謁

福陵

柱峯截薛聳亭亭拱衛雲從護百靈詆蕩天門開  
廣宇邇迤玉案鎖層扃真人一旅收區夏王氣  
千秋耀日星戡亂求寧昌後福撫時重奠露珠零

恭和

御製恭謁

芝庭詩藁卷十

十七

昭陵

丕承高廟烈光昭蕩掃妖氛邁往朝  
關磨片石天戈出塞捷崇朝羣山鳳舞松環翠  
太室龍蟠霞建標破陣更看雙石馬西風立仗望  
非遙

恭和

御製謁陵禮畢車駕入盛京仍疊癸亥歲舊作七

言長律十四韻

陸海膏腴啓大東留京烟樹接青蔥  
珠邱秩祀千秋洽寶鼎丕基萬國同締造艱難思  
祖烈撫



臨統壹萃 神躬與區綺錯喬林外分野踰臨析

木中積水迴環籠碧甸崇墉截巢構層空式瞻

黼座螭頭麗初立臯門駕瓦瓏卜湖神京瀍澗脉

酹酬列爵鄂褒功順天膺命徵圖錄大政當陽息

戰攻元菟城連千里郡鳳皇樓映萬年宮吾 皇

昔駕當淵獻此日重臨舊沛豐禮序樂和昭盛典

省方問俗勵寅衷明星自照蜺旂采白露仍滋黍

谷融聲教遠孚荒服至精禋昭格瑞符通扶輿獨

厚陪京運滄海長升旭日紅

廣寧道中

芝庭詩藁卷十

六

柳塞榆林不覺遙閭陽古驛靜塵囂無人為設陽

關酒揮袂西風客鬢凋

前朝邊衛失隄防建閭道遙鐵騎亡今日平沙狐

兔走障鷹臺畔瞰斜陽

恭和

御製祭北鎮醫巫閭山

朔方峙鎮日星昭祀典明虔擇吉朝掩抱六重凌

海嶽混濛千載接虞姚芙蓉片々留巖洞華蓋垂

垂拱薊遼禪草不須芝檢祕鱗洲風雨自均調

陪祀北鎮禮成得十六韻



幽營拔地崇，巨鎮自天造。冥想契鴻蒙，方輿恢覆  
幬。有姚輯瑞時，三公並封號。祠宇歲增脩，神靈同  
佑冒。皇輅慶時巡，蒼龍駕親到。天雞向曉鳴，羽  
葆紛前導。陰森謁祠壇，窸窣陟堂奧。豐碑蝌蚪蟠，  
鏤鐵蜿蜒抱。諸天扶棟梁，顯位揚綵纛。上為呂公  
巖，仙蹟留丹竈。洎聖水盆無冰，應有瀑陟磴。不  
數重，陪遊職。洒掃古壁填青紅，昇器薦珪瑁。禮成  
曦陽升，寒林烏鵲噪。齋心凜乾乾，昭爽盟浩浩。聽  
呼萬歲聲，瑤函秘祈禱。

大凌河

芝庭詩藁卷十

十九

昨行過柳溝，泥深沒馬足。秋潦斷長塗，商賈行踈  
跼。今來大凌河，扛梁三座束。坦步無險艱，利濟欣  
予。其旁設坊監，遼河輓芻粟。萬馬蹴驊騮，躡雲  
而歎玉羽。蓋此時停千屯，徵衍沃東瀛。久挂弓九  
譯，梯航屬遙望。十三山故壘，斷還續。皂帽懷霜晨  
遄歸，恣遐矚。

恭和

御製過中前衛

廣寧比戶鬱相望，前衛中屯肅紀綱。鎮帥指揮沿  
戍守，宣皇勤略重邊方。風霆壘靜空壕塹，松杏山



高統戰場今日繁星明  
義幙納隍增築倍難忘

望覺華桃花二島

夙聞滄海東南勝  
今見波濤起北溟  
鰲背坡陀飛觀出  
龍宮隱現泛槎停  
浮天撻覺扶桑近  
幻劫寧知泄尾靈  
好倩木華傳賦筆  
不隨徐市現空形

恭和

御製山海關仍恭依

皇祖原韻

累代稱重險  
雄關控朔邊  
雲屯遼海濶  
沙擁喜峯連  
隘類五丁鑿  
巉容一箭傳  
驅除亡鹿日  
際會

芝庭詩藁卷十

二十

躍龍年列雉  
臨壕土鳴雞  
靖戍煙治憑  
清晏理樞握  
重輕權永奠  
山為壘無須  
錦作川丕承  
謨烈久鎖鑰  
護天然

入關

東西劃界一泥丸  
碣石憑臨渤海寬  
不見鴈飛沙磧遠  
空聞笳吹柳條寒  
極目長城故壘平  
停鞭飲馬起邊聲  
朔風吹雪貂裘敝  
出塞重為入塞行

澄海樓遠望禁用水部字恭依

御製元韻



極星向北拱環島由東傾天吳靜不發歸塘虛復  
盈扶桑爛遠矚巍觀初經營鰲柱立巨棟龍堂照  
飛甍委輸尾閭宅包絡東西京蓬萊儼在望蜃市  
倏忽更一片紫貝出千朶紅蓮擎鯨背負山重馬  
銜角力崢近瞰百靈窟遠帶萬里城朔歲在淵獻  
侍臣賡颺并 六龍今復駐冬令曦陽明扶搖會  
搏壯向若空觸振終旅閃颺瞥鉦鼓殷鏗轟颺舶  
影徐轉虹橋駕初成奮鬣曝龍首掉尾擊橫鯨三  
壺吞咫尺八裔含菁英啞吸盞朝暮往來換陰晴  
翔陽開霾曠磬石騰砂靖琛寶歸吐納綺霞耀晶  
芝庭詩藁卷十

廿

熒聲如鼉鼓震彩蔚珊瑚呈遐覽象無外翕受道  
永貞坎德不失險坤寧利攸行指顧恐矇眈形容  
愧蟲評作賦比水華談空笑鄒生 帝鑒炯犀照  
天章賽瓊瑩羣仙駕縹緲回鑒計王程

姜女祠

淚盡長城怨空山石望夫黃雲籠斷梗碧血灑平  
蕪抔土今猶在荒祠建不孤咸陽多廢冢誰問舊  
珠襦

夷齊廟

列傳先憑遷史刪青雲不朽渺難攀仁人倫理安



家國清聖風徽激懦頑冠履芳踪栖北海黃農古  
調永西山祇今俎豆供薇蕨灤水長流一勺間

渡灤河訪偏涼汀作

鴨河種榆柳捺鉢幾春秋結網供鮮鯽迴汀起白  
鷗饑鷹呼欲下衰草踐生愁古廟瞻清聖襟情洗  
濁流

北平懷古

行盡榆關路征鞍次北平霜花垠映石羽箭沒無  
聲壯志思飛將南山憶夜行書生衣短後猿臂想  
威名

芝庭詩藁卷十

三

歸次燕郊口占

扈遊歸唱上之回漸近神京翠鬱堆手數莫莖更  
晦朔夢牽萱室舞斑萊盤山縹緲寒雲迥薊野蒼  
茫凍霧開芸閣舊曹相問訊新詩束笥待披裁

門人

李友洙  
李景載校



芝庭詩藁卷十一 乙亥至己卯

長洲彭啓豐翰文

陳情歸養出都門作

昔誦笙詩慕廣微幸邀 天澤報慈暉兩年目斷

停雲望千里情欣負米歸曾荷 宸章題翠竹重

頒 鳳詔映斑衣關山何事愁登陟先報平安到

錦幃

閣啓平津設祖筵同人贈別有新篇槐廳蘭省常  
縈夢旅舍郵亭漫着鞭碌碌文章虛壯歲欣欣菽  
水慰高年河橋折得初萌柳離緒牽來落照邊

芝庭詩藁卷十一

一

過琉璃河

儗裝首歸途霽色開芳甸白溝泮春流西山淡晨  
絢官柳萌舊枝黃鶯試新轉忽軫故園情庭蕪綠  
已徧南雲望非遙 北闕魂猶戀 宸罕駐田盤  
嵐光遞隱現養志謝浮榮陳情感殊眷時清釋旅  
憂去去方游衍

上已登舟

客路三春半河壩一葉橫春雲隨浪遠細草覆堤  
平舊事徵蘭袂新歌雜櫓聲回頭塵夢隔臨水濯  
纓清



舟過揚州盧運使招遊平山堂予不果赴以  
詩述懷即和紀遊元韻

憶昨庚午屆初夏平山一訪歐公堂太守風流徵  
舊額名人賡唱搜詩腸年來構造頗宏麗架虹輦  
石相扶將沿堤桃李多映發遊舫直接官河塘新  
城先生昔脩禊冶春韻語傳維揚詩牋零落幾十  
載後賢壇坫誰能當竹西歌吹未寥寂畫廊匝  
蘿屏張繁葩欲奪錦繡燦古木橫卧蛟龍僵青山  
隔江呈几席陰雨忽送微波涼梵音歷歷蕭管外  
漁唱嫋嫋琴尊旁諸公古筆押官韻鴛湖宗匠老  
芝庭詩橐卷十一

二

更强

錢香樹前輩

濡毫猶覩墨痕濕闌句共矜骨格蒼

落花依席紛點綴語燕繞梁飛頡頏愧予到此後  
一載趨庭夢逐江蒼茫懶為登臨滯風日漫追競  
病誇當場入林把臂欣得得論詩弔古神洋洋尋  
春百六惜遲暮天涯寄跡看斜陽莫灣幾度此停  
棹紅塵脚底空奔忙山靈冷眼笑人世浮萍會合  
誰能量他年再赴冶春會雪泥鴻爪應無忘

翼武弟新葺別墅會飲花下

雉堞連平野溪流帶小橋目營兼輿曠心匠契逍  
遙佳果簷前實文魚檻外跳乍開三益徑折柬惜



遲招

到家春已晚別業景新添郭外烟雲換壺中歲月  
淹美花妨側帽新燕待鈞簾好協塢麓奏南陔樂  
事兼

題韓漣芳同年遊西山潭柘寺畫卷

祇園徧西山古寺推潭柘潭形澄古今柘樹閱冬  
夏祖師昔安禪明燈照長夜猿猱馴與隣木石證  
俱化羣山衛九峯谷口迎宸駕從臣暫停驂征  
衫未能卸三兩蓬瀛仙休沐喜得暇頭陀導前行  
野老隨後迂時惟秋氣涼林梢露珠瀉繞殿響杉  
芝庭詩藁卷十一

三

楠被壠收禾稼境曠理自超心閒悟非乍麝煤寫  
雲烟剡藤覆錦帕展圖緬邛壺如憩松陰下茲遊  
洵足樂好景那許借會藝梅檀香幽懷一憑藉

題明光芝房圖為陳和叔作

夜吐瑤光彩晨舒雲母顏霜華微點染草色映瀾  
斑倚石一拳秀披圖三徑閒主人方隱几青史貯  
名山

晨起訪薛一瓢園亭

曉露荷翻沼清風竹滿林往來同素履盥沐息塵  
心窺戶人常寂臨流鶴在陰卜隣兼選勝不用入



山深

五月觀競渡

芳草柔穠水滿池  
匠門北去蕩連漪  
中流影淨朱旗轉  
兩岸聲喧畫槳遲  
觴浸蒲根憐客醉  
符懸艾葉逐童嬉  
遊人半向石湖去  
誰識分秧已及時

弔翁朗夫於定慧寺

曾挹冲襟遠俗澆  
長辭榮祿樂簞瓢  
那知夢裏音書斷  
難向江干玳瑁招  
春雨聽篷魂漠漠  
秋林覓句影蕭蕭

朗夫有二圖寫照

禪堂設位臨風奠文字聲華

迹盡消

芝庭詩藁卷十一

四

小園雜詠十六首

堂上菊酒芳階前  
蘭草秀歡言  
舞斑衣奉觴介眉壽  
循陔補笙詩  
春暉永清晝

蘭陔草堂

開軒足野趣  
綠葉交枝柯  
寒烟覆竹樹  
閒雲罨薜蘿  
揮手却炎暑  
悠然長嘯歌

延綠軒

高館謝塵喧  
坐擁百城樂  
軒几有餘清  
對面峙高閣  
嗒然與靜存  
不須紛著作

環蔭書屋

十年種榆樹  
已得拂簷齊  
密葉交空翠  
下映數畝畦  
主人坐亭午  
時聞好鳥啼

含清閣

尺五近神霄  
香烟裊虛閣  
玉華風露清  
迤邐開城



郭目斷武夷君賓雲下黃鶴

幔仙閣

清泉淨綠苔微風動文縠宿鳥簷際喧游魚藻邊  
伏昨夜夢開先銀河掛修竹

漱玉亭

空齋安古榻一枕遊華胥山水繞四壁笙歌盈太  
虛物化固如此我懷方宴如

蝶夢龕

垂雲覆縹緲疊石穿玲瓏巖開得異境斧劈非人  
工朝陽照幽谷繚曲路自通

玲瓏洞

風吹菡萏香夾鏡波如沐紅蘭映浮萍水紋縐微  
縠人從橋上行襟帶有餘綠

漪連橋

三五好明月吐影城東隅園林萬景寂涓涓露初  
芝庭詩藁卷十一

五

濡即此代秉燭躊躇立須臾

待月坡

甞石構層梯凌霞逼虛宇邇陌既縱橫遙山可指

數烟雲幻態新吾心了無取

見山岡

疎影照清池寒香襲几硯生意春前舒老幹霜中

鍊何必訪孤山屋角風光徧

寒香硯

陸居栽杏棟水宿沿漁磯安排古書畫左右開窓

扉行止各有當風定波濤稀

疑舫

秋蔬長新芽細草湏刪剷秉耒土膏香夜雨一犁

足閒繙種藝書生計讓僮僕

蔬圃

移種自洛下重臺試東風玉顏倚脩竹錦障飄殘



紅笙歌一夕賞色相俱成空

牡丹臺

金粟霏霏托根自驚嶺簷際發天香連蜷寫疎影小山故相依幽意吾獨領

叢桂坡

### 好舛謠

乙亥秋吳中田畝生蟲食禾根禾盡槁按齊民要術云穀蟲即食米強蜚唐書載舛舛害稼為老農所僅見也因紀其事

爾雅紀螟蟥春秋誌螽蝗詩人憂害穉秉畀驅有方蝗蝻固多種舛舛更為殃朝畝暮成頃延蔓滋毒腸微軀無羽翼鋒刃隨風颺食心心遂死啗根

### 芝庭詩藁卷十一

六

根遽傷東阡與西陌氣厲遙相望父老昔罕見天意示戒長吾吳繁華郡列俎饗酒漿閭閻賤穀種比戶虛困箱豐年多黍稷狼戾同粃糠雨暘偶愆伏脩省昧否臧天意豈宜渺怪異徒紛穰紀歲值淵獻方秋屆白藏愚民苦饑饉籲官發廩倉自非浩蕩仁安能救災荒洪範驗五行休咎當推詳漓俗惟一變善氣迎百祥誰與瀆祀典建廟汾之陽

朱彞尊有舛舛廟碑

吹幽賽田祖報本思先王靈物為民

### 屬何以預祈禳

西山省墓夜宿草菴



蓬艇悠悠路秋雲漠漠陰迷茫漁浦隔杳曲硯山  
深禾稼經蟲齧田疇苦浪侵松門親告祭烏鳥早  
投林

倚樹開虛閣疏窓對夕嵐礪泉紫佛座燈影照僧  
龕栢子喬柯老梅花生意含楞嚴真諦在吾欲問  
瞿曇

草堂夜集次韻酬李勉百

林轉幽禽霽色饒辛盤把盞惜遲招探梅莞爾臨  
清澗貫酒偷然過野橋南圃題襟蹤易散東軒聽  
雨夢非遙草堂人日逢佳會徵事還應得幾條

芝庭詩藁卷十一

七

剝啄頻過户不扃素心結契眼逾青浸淫風雅吟  
千首穿穴皇墳遣六丁半榻春寒留舊雨明燈午  
夜落繁星磧西好待花初放一曲香溪棹屢經

題文徵仲江南春圖卷

碧羅帶繞山如沐滑笏漪流縐微縠麴塵陰裏日  
初酣紅杏村邊雨纔足過江花柳別生妍可愛東  
風二月天舴艋移來看泛宅耒鋤揮處樂耕烟傳  
雲畫史神仙侶染綠皺紅淡容與鶯飛草長無限  
情擘阮彈箏不知處添得儂家鱗水湄入林重與  
賦新詩春來春去人何在且向花前醉一卮



題沈啓南西風訪友圖

松杉倒影凌巉巖翠嶂壁立斜照銜此時黃葉乍  
翻雨正好秋意生虛岳孤蓬恰向林中出獨坐船  
窓展書帙葭葦蒼蒼水一方幽人孤寄伊誰匹吳  
門高士石田翁有竹居邊曲徑通點筆翛然虛夜  
月論文重與溯青楓川原寂歷行人少詩思蒼茫  
送歸鳥彷彿霜天赤壁遊還疑雪夜山陰棹

為張元暉題讀書林圖

亞字城東匠門址婁江映帶水清泚誅郊結宇近  
烟波種樹成林照斐几當時名重孝廉船絲竹聲  
芝庭詩藁卷十一

八

喧列綺筵遠擬玉山池館勝近同蘭雪盡圖傳無  
端風雨驚飄瞥名賢散後觴咏歇絕枉欲渡劃隣  
居三徑重窺半蕪沒從孫逸興暮青雲攀樹婆娑  
對夕曛割取數間疏戶牖圖成尺幅寶香芸人生  
何事空勞慮轂轉烏飛太匆遽垂槎縱使到天涯  
莫忘平生釣遊處還君此卷重欵歛水墨幽妍動  
碧虛塔影鐘聲杳靄處果然吾亦愛吾廬

為李勉百題印湏圖

行行阻江水欲渡川無梁擊楫思共濟懷友耿不  
忘孤鴻求其侶深林隔遙望指顧雲路迥拭目天



達翔苟非金石交那契芝蘭芳成名慮晚日落山之陽

我友富文藻生今能嗜古高懷豁秋旻好脩佩遺矩朗吟雄雉詩言采匏葉苦揭厲隨淺深芳馨擷蘅杜平生訂久要聚散會可數鬱陶寓離悰雞鳴亂風雨

輓周迂村

舉世罕中行同人思狷者迂村豈真迂歌詠任陶寫獨行寡朋儕結習耽風雅清如水絃彈冷若松風瀉卧病同索安苦吟類東野一編手自携不道芝庭詩藁卷十一

九

知音寡盈縮有前期年命詎爾假新詩入選家清墨淚盈把墓楨何時封跼蹐夕陽下

龍掛

烈日中田望霖雨桔槔殷殷水之潏忽看神物挂九霄頭角崢嶸爪鬣舞豐隆排空聲怒號瀕洞勢欲傾城壕頃刻吸取太湖水驪珠宮裏翻波濤黑烟浮浮升樹杪行人指點靈光繞虬虬偶爾露端倪變幻誰能知大小雲行雨施德合時乾乾終日道在茲臨平湖邊人盡走讀書不聞良可師往年多衍繁露法老農隴畔空携鍊封將鐵冶閉南門



三吳未卜流膏洽從今行水得真龍紀歲當不憂  
乾封灑徧甘霖四郊慶村邨沽酒相追從

惠州詞寄戴植三

越井遺封自尉佗佇聽蠻女奏清歌海珠山下枕  
柳滿文惠堂前荔子多

此邦文物冠南州况有東坡勝蹟留萬戶春濃如  
昔日使君鼓角導鳴騶

墨池硃治影涵清搃為前賢故得名海岸鰭魚登  
桂酒豐湖藤菜敵蓴羹

朱明鐵柱渺難攀霧縠雲綃滿四山願得身騎五  
芝庭詩藁卷十一

十

色鳳一宵飛墮石樓灣

雪後胥江泛舟至海會菴

寒江四面照玻瓈衰柳寒蘆望欲迷試仿松溪句  
粉墨幾稜峯崿峙城西

漁莊小住叩茆菴凍雪踈踈着屐探古樹空庭喧  
鳥雀夜來燐火照幽龕

曉行西山道中

山北山南路蜿蜒杖藜行去影僊仙望中不斷松  
楸影何處啼鶻劇可憐  
地近柴莊與米堆層岡廢冢徧萬葉森森古栢司



徒廟侵曉瞳矓門未開

虎山橋畔話樵漁鄧尉周遭佛子廬翠巘白波相  
映發銀房玉柱與誰居

松排山脚繞僧廊帆挂波心去渺茫試向梵天閣  
上望詩人鴻爪話漁洋

門人張素村葛筠珊過草堂夜話

園扉聞剝啄屐齒印苔紋遠客停帆早清言問字  
殷風塵思往日聚散感浮雲芳訊梅先報羈懷酒  
半醺

上元後三日舟過虎邨

芝庭詩藁卷十一

十一

明燈昨夜闌殘更短簿祠前人乍行夾巷賣花爭  
趁早踈簾淪茗細聞聲飄零劒氣穿泉湧匝珠  
宮照水明銜尾舳艫淮浦去迎鑾曲裏譜昇平

詢王巨川疾

潁關津渡近黃昏兩載空思笑語溫夙擅才名同  
季重未應渴疾類文園春風捲幔吟腰瘦夜月窺  
窓藥裏煩好悟黃庭深坐法綿綿踵息會靈源

過揚州懷明史督師

星影參橫斷壠坡春烟漠漠草離離梅花嶺畔無  
人過虛冢衣冠月落時



題王岡齡南園新居

南禪寺畔訪新居，寄意真看澹泊如。  
花雨芬芳摩詰室，几窓靚整鄴侯書。  
摠因避俗閒招鶴，時為留賓自剪蔬。  
契得漆園微妙旨，山林隨處是蘧廬。  
回首江村有故居，移來地僻更何如。  
平章樹石添新蔭，箋註蟲魚續舊書。  
三徑不芟霜後草，一畦乍長雨中蔬。  
鋤雲小築南園址，塔影山光共結廬。

小園頌曰  
南園鋤雲

開元寺佛鉢和皮襲美元韻

法界超塵金石姿，乾陀遺蹟此脩持。  
偈降鬼母翻

芝庭詩藁卷十一

十二

千劫妙現蓮華印，六時響伴齋鐘僧。  
侶集光生滬瀆夜，漁知方空圓器應難辨。  
祇樹西風黃葉吹

七夕後一日同人招遊石湖

浮舟西郭外，一鑑石湖秋。  
塔聳楞伽寺，橋橫笠澤流。  
柳陰猶宿鳥，漁網不驚鷗。  
叅政名常在，磨崖兩字留。

乞巧纔過節，新涼散暑塵。  
晚雲鋪碎錦，細雨躍鮮鱗。  
座上清言愜，尊前白髮新。

主席為歸愚先生

招邀賴同

好莞爾得閒身

過楓巖禪院



入寺逢僧戶不扃  
蘚階秋意滿空庭  
籬邊細菊繁  
英紫門外寒松老  
幹青誰向蕭梁看  
洗鉢聊同白足事  
繡經纓華那待三  
春景為愛楓林棹  
再停

秋日過陸郎墓

陸郎名鯤早慧年十三而夭葬虎邱山下

慧業離塵得靜藏  
秋風掃籜景淒涼  
青山到處多名冢  
添得新封弔陸郎

天上瓊樓事可疑  
土中玉樹劇堪悲  
彭殤殊壽同如幻  
終古風流寄阿誰

夜宿草菴清聞閣

晚入深山露氣清  
橋邊衲子靜逢迎  
風搖虛閣古芝庭  
詩彙卷十一

十三

松響月上破窓栖  
鳥驚一宿蒲團空  
世境偶聞鐘磬悟  
浮生梅檀細藝寒  
宵永夢繞蟠螭曳  
杖行

吞環行為王烈女賦

王山喬之女字於  
錢未婚而錢病卒  
女誓以死殉期年  
媒氏有來議婚者  
女大慟吞金環而  
死時年二十二聞  
者傷之

金環為首飾可珥  
不可吞夫亡志從  
死媒氏枉議婚黃金  
有變減寸心不改  
節忍死絕朝餐屠  
腸自引決

幽蘭本國香經霜  
乃憔悴披離黃蘗  
條誰謂甘如



薺一死重泰山乃在中閭間卓哉首陽節清風激  
懦頑

輓惠定宇

東吳名家子舊數紅豆莊季也紹經學著述羅縹  
緗易從荀虞討詩自毛鄭詳勵志勤樸斲束身重  
珪璋貧窶過萊蕪卧病同子桑著書未卒業易簣  
驚悽惶

繭絲與牛毛精奧探義域斑斑羅鼎彝矻矻忘寢  
食考訂多錯綜詮解無繁飾舉世尚春華君心重  
秋實特薦未赴徵孤懷守淵默章含美在中火傳

芝庭詩藁卷十一

十四

薪已熄

昔年賦子衿寓宅澄江潯

康熙丙申同應科試

風雪共論文

企慕在三古聚散如雲烟襟期託蘅杜君壽僅中

年時命何垂迕陸生昔能詩早歲埋黃土

陸學起名蒼培

亦同遊庠

巫咸那可憑晨星燦堪數

戊寅歲元夕網師園張燈合樂即事

試燈佳節捲晶簾把盞徵歌韻事兼梅圃雪飄封

玉樹冰池雲散露銀蟾星橋乍架春初轉畫舫新

移景又添漫聽村南喧鼓吹家家竹馬駐茆簷

頭番風信報芳菲小築雲房錦綺圍萬象眼前舒



樂意一枝塵外對清暉自將椒酒供春酒好整菜  
衣作舞衣莫怪比鄰來往熟同賡將母賦旋歸

贈徐靈胎山居

楞伽梵宇背城隈自得真山廢假山桂樹一叢雲  
半塢梅花百本屋三間橋邊月夜閒携杖湖上春  
風看東蘭茶竈筆牀天付與放舟直到洞庭還

仲春月虎邱山房玉蘭盛開報本寺僧實舍  
邀同人遊賞

山塘花市人爭簇未若僧房開滿屋芳菲舊本抱  
成圍綽約新妝看不足種別辛夷吐曉烟光分玉

芝庭詩藁卷十一

十五

蕊迎朝旭南渡移來積歲年西堂刳後留喬木姮  
娥隊隊舞霓裳姑射翩翩潤膏沐輕陰正值養花  
天風雨不來半含蓄支公好事持招邀蔬笋清供  
勝遊續樹下張筵可四重品茶聯句香風逐白髮  
看花有幾人携筇倚樹堪娛目拈來便可比優曇  
散去何須戀簷蔔

小吳軒眺望

東軒半壁攬全吳周匝重城入畫圖日射劒池無  
踞虎風搖寶剎有栖鳥人烟古道連閭闔雲樹春  
帆隱太湖信美此邦蕃阜象顙言學圃課花租



謁申文定公祠

綠樹青山畫棟新當年風度儼垂紳建儲定計孚  
神廟遣將成功倚閣臣言路可能容激聒綸扉猶  
賴共和釣賜開堂上留餘澤華胄還來薦渚蘋

秋夜悼亡詩十首

宋夫人歿於  
八月初二日

夜涼風動撼梧桐誰識羅幃一夕空天上泐寥憐  
破鏡人間搖落感飛蓬

青衫十載苦幽栖佐讀芸窓翠黛低肯為良人悲  
被放平生早薄杜羔妻

林下寧誇柳絮絮吟鹿車共挽劇勞心玉堂清冷行

芝庭詩藁卷十一

六

厨置時典閨中纏臂金

借樹棲遲晝景添玉堂淪茗伴蘼鹽秋風茅屋曾  
驚破夢繞家山卷畫簾

辛勤中饋奉甘飴鶴髮萱顏捧袂隨勗我循陔無  
戀職深閨先為補笙詩

出塞崎嶇賦采薇南天迢遞寄征衣諷經為祝行  
程險踏盡龍沙穩步歸

甲戌秋予扈  
馳騎百餘日夫人在家誦

觀音經千遍  
以祝平安

四雛乳哺盡依依一半營巢岐路飛病裏呻吟不  
相見歸來遺影泣空闌



繡翟加身事等閒重泉無路問刀環三生塵夢今  
先了九品蓮臺會可攀

招魂不到稠桑驛薤露還歌陌上花明歲棠梨寒  
食節好營殯舍傍山家

阮惟永夕起悲歌潘室經年廢靜哦懶向中秋看  
月色恰遭風雨妬孀娥

逸園對菊

蕭疎髣髴髮點新霜又向東籬挹晚香春艷繁華驚  
過眼秋花零亂易愁腸誰論大隱還中隱真覺元  
方愧季方瘦蝶寒蛩俱暮景南園落葉付蒼茫

芝庭詩藁卷十一

十七

和錢思贊玉峯秋興二首

玉山朗照徹松寮衿佩如雲聚野橋問字諸生環  
講席論心款友話良宵蟲鳴絡緯風聲靜葉戰梧  
桐雨勢驕籬外黃花傾白墮相思兩地不相招  
斷碑殘碣舊摩挲憔悴青衫幾度過二陸人才鍾  
秀獨三吳地勢歷潮多誰家別墅荆榛合是處荒  
墳牧豎歌為訪鰲峰橋畔宅文康事業竟如何

自題戴笠圖

通籍愧纓組衣裳漂在笥矢懷尚絀什耽誦鵜梁  
詩蓑笠見鄙趣栖隱歸茅茨放歌逐元真山巖與



水湄俯仰惟取適圖繪堪自怡傳神在阿堵儻僕  
見不疑冥心合道處造化同遊時不須形荅影空  
歎年光馳

贈王深籟同學

遺榮師叔夜經國慕夷吾數齒未云老掩關亦足  
娛岑落同校序風雨共江湖恭壽堪為法賓筵仰  
德隅

寒食見新燕有感

呢喃依舊繞樓頭似向深閨訴別愁時屆禁烟情  
漠漠空存遺挂語啾啾銜泥誰捲珠簾待繫縷空  
芝庭詩藁卷十一

七

看蓋篋收料峭東風難遣恨綠楊仍蘸碧波流

木雞齋山茶盛開即事

生長花市間未識名葩壽誰知綺麗叢能耐雪霜  
久偶過木鷄齋濃陰覆虛牖寶珠合成冠瑤華垂  
結綬相傳趙宋年至今神護守主人好招客茶熟  
酒盈缶張筵列玳羞促句成瓊玖花開客盡來客  
散花何有昨遊玉蘭房銀葩照岡阜紅兒比雪兒  
吳人以玉蘭為雪兒山茶為紅兒

兩兩成嘉偶詩續坡仙吟繪倩

徐熙手斜日倚闌干春去猶回首

繡谷送春詩

有序



蓋聞風衣日艾搃屬因緣石火電光空悲奄  
忽李青蓮之縹緲東海長河杜紫薇之殷勤  
殘花臘酒名賢題詠懷峴首之鄒羊勝侶徘徊  
緬竹林之嵇阮共歎塵埃野馬徒看流水  
游龍歲屆屠維律逢仲呂綠烟集柳紅雨飛  
桃林泉靜而閒恨新亭晷晚而幽歡斟抱琴  
高枕哆江山之笑人仰屋繙書紛烟霞之招  
我乃有樂安華胄北郭名家宅近六如徑開  
二仲炮鐸龍而招客剗楓人而開樽清言韻  
於管絃更時禽之悅耳道氣醇於醪醴况薰

芝庭詩藁卷十一

十九

蘭之醉心主人則通元先生好求古蹟上客  
則絳縣老子曾識堯年靈光巋然揮還日而  
孤照孝章獨在留過風之餘吹於是寤索覆  
蕉飛尋印雪筆花墨瀋駐九十之殘暉目送  
手揮契五千之微旨藤荒別院字影龍蛇苔  
蝕閒階書成蚪蚪堂堂既去原知世固閱人  
得得方來猶是今之視昔云爾

時過百六景光新三徑重開悵望頻鷓鴣穿林驚  
靜晝醪醴滿架惜餘春衣冠洛社尊者碩觴詠蘭  
亭列主賓先後尋芳同逆旅祇應愁絕卷中人



桃花深塢近吳趨繡谷流風韻事俱座滿琳瑯書  
挿架盤陳櫻笋酒盈壺重輪花甲留泥爪什襲巾  
袍印畫圖客散幽香凝小院舞雩游詠屬吾徒

巖東先生招看園中芍藥卽事十六韻

勝地依巖麓名園並辟疆時應占夏律花已殿春  
芳遲日延孤賞暄風送晚香翻階滋曉露夾砌麗  
朝陽遊子驚時暮閨人贈遠傷無心折楊柳結念  
在瀟湘綠葉歲蕤茂紅英的皪光玉盂添靜供金  
帶闌時裝雅興情彌懌佳辰會有常盟看瓶膽摘  
妍借錦帷張白髮推耆碩清吟綴末行湛恩辭禁  
芝庭詩藁卷十一

廿

省逸韻託蓉裳首夏濃陰合將離寄興長蕙風搖  
葦箔麥氣冷山觴碧草欣堪佩伊人渺一方餘芬  
襟袖滿歸棹咏滄浪

題定慧寺蘓文忠公嘯軒遺跡贈朴菴上人

蘇公湖海蹤香林遊歷徧題詩寄廬阜解帶留江  
甸古寺城東隅遺像蛛絲罥大書歸去詞鴻爪半  
隱現若櫛劇婀娜微跛轉峭嶺仙踪空躔光佛日  
駐巖電譬如焦山鼎法輪遞相禪象教足冥搜塵  
襟豁牽纏月掛雙塔巔雲籠大雄殿上人儒墨兼  
空林對書卷嘯軒攬雲霞墨香沾几硯一菴迹可



容幾載壁猶面蓮社倘相過摩挲恣遊衍

夜過江尖渚

九龍翠色指依稀第二泉亭徑路微帆船晚風估  
客聚寺鐘涼月野僧歸樹濃夾岸蜩螗沸水長平  
堤荻葦肥傷逝情深歸棹緩寢門殘夢永相違時往

弔莊  
書石

莊學士本淳婚歿後見於夢中有感而作

西風捲簾聲怒號夜坐不寐憂心忉更深夢去神  
恍惚宛爾晤君情鬱陶昔君對策明光殿領袖羣  
英杏園宴春色傳看錦繡迷秋風誰道文章賤我  
芝庭詩藁卷十一

廿一

賦南陔君自留爭言逸足騁驊駟聯翩寵命星  
郵發璀璨黃花道左謀誰憐賦命偏促迫鵬鳥先  
臨江畔驛空悲夜壑赴沉冥固知人壽非金石夢  
耶真耶合有言屋梁月落悽心魂識得無生亦無  
死泡幻因緣何足論

送莊書石同年葬

知心不道隔音塵執紼重疑對故人文獻虛期存  
碩果江湖久已息勞薪巨卿訣別猶增戀桑戶歸  
來遽反真陽羨道中來往客鷺籠山日識前因

題宋懸庭杏花春雨圖卷



迷濛細雨遮輕霧芳草堤邊映高樹一枝紅雪罩  
初春千片錦帷籠薄暮最憶江南春好時街頭花  
事信風吹流傳紅杏尚書句譜入鸞坡學士詞君  
因久別家園景秉燭夜遊鄉思永指點青旗沽酒  
家翻飛燕子差池影着鞭背却吳都春路入江鄉  
重問津柳岸垂絲洲隱隱漁村挂網水鄰鄰回首  
棠陰崇繡戟偶賦閒居樂晨夕小築亭臺照畫廊  
四圍紅紫鋪茵席幸予聯袂賡白華家共鯨溪水  
一涯攜手入林欣命酌朱陳風物不須誇

香巖寺看菜花追和宋漫堂先生韻

芝庭詩藁卷十一

三

寒菜三春種藝臺二月花錦茵鋪地徧香靄入雲  
遮南圃看抽甲東軒待煮茶釀壺同佛子物外繞  
烟霞

抱甕偕田父清齋更悅禪麥葵翻沃若蜂蝶趁翩  
然竹徑宜芳草蔬村起暮烟年豐民不饑酌酒和  
新篇

題仇十洲外藩入覲圖

我吳人物盡手誰第一三百年內推仇英何時圖  
此紀王會外藩入覲揚昇平勾陳列衛拱黃幄如  
弦夾道輝雕楹巾車五路備法駕香象蜀飾膺樊



纓羽林健兒佩褰韃番部君長咸屏營朱衣革帶  
具結束道旁匍伏稽顙迎首衆駢肩擁林巒鬚眉  
蜎縮面色赭我聞清明上河會汴京士女來傾城  
寸人豆馬極參錯粉墨真贋難定評何似茲圖神  
絢爛國門價重百鎰盈當時名蹟不多見古光片  
羽雙眸傾有明自從河套棄欵關納賁徒虛名對  
此空應增太息流傳倏見滄桑更我 皇神威震  
西域旄裘隊隊來歸誠天山月竊拓地三萬里徧  
教習爽闇昧生光明大開明堂覲羣后容成器服  
羅軒庭丹青寶笈應得實父手為寫清和寧謚雍  
芝庭詩藁卷十一

三

容樂愷之風聲

題范叅議祠有序

前明少叅議范長白公文正公十七世孫也  
嘗督學雲南平鳳克之亂功在史冊舊有專  
祠規制樸畧曾孫昭素既以田百畝歸於義  
莊以贍族人昭素沒厥配顧孺人復翰白金  
二千兩建祠五楹三吳之士各賦詩紀其事  
因為掇撫輿誦排比樂府擬宗祠侑祭之歌  
昭桑梓敬恭之義

慶歷名彥鳳翥龍驤澤流賢裔仁衍義莊乃煥棟



宇乃肅蒸嘗執事有恪右序東廂  
六詔文宗登陴列仗剪彼封豨雲開煙瘴勲燦瑤  
編典隆圭鬯厥德中孚是用大壯  
賢哉女士庀材鳩工堂基永奠觀瞻載崇序式昭  
穆神無怨恫載頌先烈有碑穹隆  
嵯峨天平雲生棟牖文正餘慶天畀單厚惟孝獲  
福惟仁永壽彞鼎載銘山川永久

網師小築吟

竹竿籊籊以釣於淵物諧厥性人樂其天臨流結  
網得魚忘筌羨彼琴高乘鯉上仙瀟瀟葑溪環映  
芝庭詩藁卷十一

廿四

南園面城負郭帶水臨田濯纓滄浪蓑笠戴偏野  
老爭席機忘則閒踔爾幽賞烟波浩然江湖余樂  
同泛吳船

書曾孝女事

昔聞爾祖傳孝經負薪受杖垂儀型身立名揚護  
肢體啓手啟足猶丁寧迢迢清塵鍾季女婉孌芳  
華剛十五芸編手習禮素嫻藥餌躬嘗心更苦皚  
皚白雪愁陽春祝融煽雲柳江濱狂呼乞救風不  
返昆岡玉石同埃塵身抱母身死不脫相隨靡滅  
肯獨活碧血墮地騰光明手擎雲旗上天闕成仁



成孝輕捐軀全受全歸義則符娥江殉父待旬日  
輸此畢命爭斯須即今郴水崇祠建覓芳不返知  
無怨哀誄續紛幼婦辭晴江芷發蘭盈畹

題顧祿百讀書秋樹根圖

沈寥天氣澄虛碧梧影搖寒秋撼撼此時心迹喜  
雙清獨抱遺編據磐石主人性癖耽圖書百城南  
面樂有餘瀟湘入夢攬杜若羽陵積簡掇蟲魚別  
離但望春天樹巾衫偶向圖中晤碧雲冉冉駐清  
愁感秋自和歐陽賦誰歟筆格獨蒼涼人外閒情  
水一方讀書有暇聽鳴鳥好為論文過草堂

芝庭詩藁卷十一

廿五

紅橋修禊詩和盧雅雨權使韻

綠波翠巘蕩鳬舟勝地佳辰合逗遛舊事詠觴追  
曲水新聲絲竹載涼州層軒複榭開屏障語燕啼  
鶯效唱酬是處衣香人影亂二分明月恰當頭

仙翁彈指憶當年泡影繁華瞥眼前不羨綺羅環

錦坐還看袍竹躡層巔

阮亭治春詩即竹方袍老謫仙

輕埃雨淨

調金勒顰縠風微繁畫船碧玉交流明鏡裏嫩荷

香散露珠圓

淺草平沙輦路通名園迢遞蜀岡東迴廊積翠流  
紅采曲檻憑虛鬯遠風過眼煙雲生窈窕連江水



樹接空濛金焦數點倪迂畫盡入平山指顧中  
點綴標題照眼明熙春臺外送鶯聲弄晴作雨催  
詩急浮棗沉魚得句清江總三日詩醉魚沉  
遠岫浮棗漾清漪為攬  
芳時思舊社轉因勝蹟溯新城吟壇名宿從頭數  
閱徧風花調幾更

劉惺常見餉洞庭枇杷碧螺新茗賦謝

盧橘佳名著上林味甘如醴色如金洞庭裹載筠  
籠實比賚林檎思更深  
嫩薺芳香吐露芽碧螺清味貯山家若教陸羽添  
新品陽羨無煩誇貢茶

芝庭詩藁卷十一

共

遊仙詞題惠虛中鍊師照

曾向蕭臺侍玉皇翩然跨鶴返吳鄉元都觀裡朝  
真罷不異華陽與紫陽  
早從莊叟悟空虛冉冉浮雲自卷舒白雪黃芽成  
獨契道書閱罷更儒書

芝庭詩藁卷十一



芝庭詩藁卷十二 辛巳至甲申

長洲彭啓豐翰文

後新塘墓田詩

己卯冬十二月

慈親見背卧苦讀禮久廢

吟咏越庚辰冬十月奉窆於新塘之阡登陟

邱隴觸緒抒哀同於蒿莪之什云

栽松已十年蕭瑟當寒夜清光發遙山疎影逗微  
罅候蟲聲尚喧宿鳥翻欲下卧看銀漢橫淚與珠  
露瀉蒿廬燈燼稀稻草猶堪藉

雙桓開戟門翁仲拱墟墓獨行無所歸踟躕斜景

芝庭詩藁卷十二

一

暮不見化鶴來但見歸鴉聚中夜忽悲啼愁腸孰  
與訴杯棬進稻梁何年復反哺

此地近花市挿槿聊為家閑閑十畝間分栽四時  
花墻頭任撲索平圃宜種承有時遇暝乾輾轉轉  
水車薪木幸守護無以斤斧加

橫波偃長虹曲闌閒可凭北瞻長蕩河南指山塘  
徑晨興霧露凝夜歸雲木暝參差水回紋迤邐田  
幾稜荒寺隔前溪遙聞一聲磬

峩峨海湧峯窄堵凌百尺卓筇踞率方舉頭映金  
碧曉霧暗疎櫺夕陽掛簾額憶昨登後山指顧情



脉脉陟岡有餘哀天半風鈴折

夜宿落木菴

徐元歎讀書處

寒雲封竹徑落葉滿天池物外存遺像山空起遁思風鳴聲浙瀝月上影參差欲覓歸藏處樵夫竟不知

清泉流不竭曲磴到山門淨業存詩卷殘僧當子孫不分興廢劫彌見隱淪尊澗上清風接閒心可共論

訪文父肅公讀書處

竺塢窈且深籃輿暫停止絕壁鎖烟霞清芬襲蘭

芝庭詩稟卷十二

二

芷山阿緬英靈星斗臨尺咫委鬼昔披猖烏程復奸宄公出屢顛蹶歸來貞素履小築避喧塵萬卷橫綈几上瞰巉巖峯下挹泠泠水相訪來素心偶談時泰否豈不念蒼生投林非得已身未殉膺滂名肯儕黃綺雲仍竟寥落瓦墁翳荆杞過客重欷歔往事徵青史

卜葬亡室於鍾家塢并營生壙

坏土親營事可哀子真餘泪染齋縗由來婦順承

姑訓先抱靈幡告廟來

葬禮奉窆帛告于祖今行之

七十二峯拱翠堆牛眠深塢足徘徊中宵月色明



如畫玉柱銀房照夜臺  
行來原野更淒然望裏青山起紫烟  
蓼廢餘愁百結藁砧望斷又三年

未忘潘岳周暮恨欲續陶潛  
自祭文弔影淒涼歌薤露年季陌上草如薰

### 宿白馬寺

自踐坡陀卜菟裘蕭梁寺古結隣幽  
人生何事憂千歲今古惟應剩一坏  
松月窺窓鐘梵寂梅泉繞砌竹筒流  
夢回空有浮生感好向滄江伴白鷗

### 過支硎宿來鶴菴

芝庭詩藁卷十二

三

仙禽何處振飛翰暫借禪扉一宿安  
華表乍歸雲漠漠縞衣入夢夜漫漫  
買山方擬尋支遁煨芋無須學懶殘  
門外遠峯如揖客飄來晴雪不禁寒

### 自京口至江寧

江邊亂石蹲如虎龍潭驛路分釵股  
正值春陰釀雨時迷濛烟樹紛難數  
我住菰蘆閱六年風波情怯度江船  
不辭蠟屐穿雲去方擬尋山踐宿緣

### 棲霞禪房雨坐

雨氣濕嵐容僧房暫倚筇聲飄千澗  
瀑影暗六朝松暝坐鐘魚寂清齋  
蕨笋供階前栽藥草何處覓



仙蹤

千佛崖

雨洗雲根慧珠吐端捧蓮華啓瓊戶初疑飛墮自  
驚峰旋識磨礪由玉斧南齊往日開靈宮文惠鑿  
石何玲瓏一佛普現億千佛覺海不動山河空浮  
圖咫尺祥光繞倒影深巖豁窈窕誰能面壁悟無  
生來往緇流六塵擾

春雨稿

橋上白石瑩如玉四圍翠影羅脩竹橋下潺湲滙  
衆流白雲彌望懸飛瀑連宵春雨漲山蹊四顧憑  
芝庭詩藁卷十二

四

萬松臺

我聞黃山松最奇惟有棲霞適肖之黛色蒼皮互  
掩映樛枝鐵幹相扶持雨漬中虛勢欲折雷轟半  
豁形倒垂紫鳳來鳴應律呂青龍欲下翻之而就  
中九枝競葱鬱形如九老森鬚眉峩冠插笏竄嚴  
肅帶劍拓戟撐孤危高臺四敞俯絕壁繁雲陰瞠  
遮晴曦江濤有聲並搖撼猿鳥得勢相攀追脚底  
踏徧百盤路樹根采食延年芝羨爾高僧岩際宿  
經幢颯颯天風吹



最高峯

龍蟠紫氣開江甸，攝山正在東南面。三峰並列一峯尊，絕頂霞標吐餘綯。飈車駕雲陟紫霄，送目千里奔江潮。蜃氣層層起溟渤，蒲帆葉葉趨金焦。藥草叢生徧岡阜，白鶴翩翩羣鹿走。別開閬苑與珠宮，不數清涼及牛首。人生何事不學仙，丹砂石髓延長年。蓬萊清淺凡幾度，朝菌晦朔良可憐。須臾浪蹴長魚立，雲裏琴高笑相揖。我欲從之上玉清，蒼茫失路嗟何及。

棲霞雜咏十首

芝庭詩藁卷十二

五

瑾瑜射朝暉，綯采橫天半。易取烏紗名，宸題燭雲漢。玉冠峯

顆粟蘊須彌，祥雲舒窳堵。證取金剛身，光明照寰宇。舍利塔

夾澗少人家，堆雲散錦霞。落紅流水泛春雨，滿桃花。桃花澗

石罅縈寒玉，波心吐瑞蓮。品泉超品外，活火竹爐煎。品外泉

明霞映紫峯，峰染翠烟濃。傑閣臨無地，何人躡磴從。紫峯閣



遠吞江瀨光近俯松杉影三山在眼前獨立孤亭  
靜暢觀亭

妙法無遮眼宗風契上乘何須問南北當面是金

陵

畫禪院

寶界淨琉璃名香熏篤耨合掌禮文殊空華散永

畫

文殊院

山靜臺亦寂何人更說經松風吹萬壑猿鳥自來

聽

般若臺

木石秀而野亭臺清且幽遠携蜀岡勝結構小丹

邨

幽居室

芝庭詩藁卷十二

六

攝山諸名泉歌

山下出泉流倍清涓涓細聽笙簧鳴攝山靈區多  
勝蹟搜羅始識諸泉名苔痕印庶迹啣草得長生  
亦有虎跑處石牀方廣橫明珠百道淨砂礫金線  
一片騰光晶紫峰閣下細疏剔更見飛沫噴簷楹  
仙靈來縹緲對坐吸綠醺銀河半空落玉乳平地  
傾嘉名肇錫功德水有孚習坎維心亨上接岩磴  
看泌湧下汪農畝宜春耕恰逢甘霖濯枝潤不辭  
霑濕披柴荆元公䟽濬覘地脉巧匠結構侔天成  
珍禽悅耳伴幽寂名花照眼管送迎恍惚疑尋夢



中路半生虛負山阿盟汲泉酌茗堪久憩不須更濯滄浪纓

雨中尋柳谷贈素子才

春深多積雨雲護小蒼山綠柳遮谿谷碧桃滿路灣淵明歸里早庾信卜居閒不為遺榮祿情因將母還

大府停車騎雲楣掛額崇

望山尹公書樓霞匾額

築樓穿岌

業疊石綴玲瓏雅讌紅裙侍新詩白雪工樓霞疑在戶春雨響淙淙

靈巖雜咏次歸愚尚書元韻八首

芝庭詩藁卷十二

七

吳宮作梵宮花片簷前舞繡楣對青山香骨瘞黃土春風憶苧蘿夜月採蘅杜詩仙曳杖過繁艷空今古館娃宮

臺空琴聲寂日落山蒼然一笑粉黛假事往移千年松風驚促柱石瀨鳴潺湲何人抱綠綺側向雲根眠琴臺

絕壁倚峻巖回廊貯虛敞縹緲天風吹如聞佩環響累趾鑿層梯尋幽芟宿莽早悟聲塵空浮雲自来往響屧廊

高閣穿薺業八窓漾晴空湖波渺無際蒲帆起長



風半峰點蒼鶻深渚吟潛龍目窮溟渤境身上蓬

萊宮

涵空閣

窳堵響風鈴流泉貫佛頂淨洗胭脂痕紛披蘋蓼  
影龍蛇悶深黑轆轤牽斷綆閱盡往來人無波此

古井

吳王井

半畝貯方廣一水浮清冷倒射雲影碧長涵石骨

青叢樹映匝匝游魚漾縱橫應有詩人來筆落風

雨驚

研池

蘿徑朝采芳繡鞋踏行露空山耐薄寒古梅發太

素瘦影怯娉婷香魂亂雲霧芳春難久留佳景變

芝庭詩藁卷十二

八

朝暮

采香徑

芬馥滿春林濃花照巖谷掬芳萬朶妍餐英五味  
足池水澹悠悠落紅變深綠山中人乍歸春暮好

風浴

散花池

重過栢樹山房

梵網歸清淨禪燈嬾古今青青栢子樹凜凜歲寒  
心舊侶閒雲散虛堂白日深祇園說法處莫被點  
塵侵

法螺菴在天平背面因其幽邃重為挾石䟽  
泉為支硎最佳處



天平開背面法螺劇清幽岫嶺翠痕密杉松蒼蓋  
稠驚人石飛破穿竇泉迸流畫廊循峭壁磴道藏  
岑樓目窮意未愜步轉路彌修物情多遠鶩近景  
忘搜求宦光蹟已湮馳烟驛尚留人呼小樓霞携  
筇值清秋僧侶解吟詩酌茗為逗遛山鳥通佛性  
野花散閒愁窈窕覓林壑逍遙泛虛舟

恭和

御製命九老遊香山用白居易詩韻

香巖列席輝龍袞僊讌揮毫授鼠鬚正值呼嵩同  
愜樂更看拄笏愜清娛簪纓聯社人惟舊劒佩飛  
芝庭詩藁卷十二  
觴語不粗解組九官名屬籍引年一倍杖同扶清  
音泉石怡情性皓首衣冠列畫圖金母銅仙齊獻  
壽神仙海上豈虛無

恭和

御製詠木桃

蓬壺名種肖連卷玉案携從曼倩仙五色恍疑  
霞寶燦一株長映日華鮮壽逾火棗稱珍貴堅比  
霜松閱歲年恰向瑤池添瑞牒風詩那用報瓊篇

恭和

御製重華宮曲宴廷臣玉盤聯句元韻



合璧雙馳沆瀣津獻來月融瑞光新湯銘懋德輝  
曩器舜殿賡歌集侍臣寶獲三朧看洗甲味陳七  
種喜調辛額琳秦語傳宸藻釋雅何須問李巡  
歌傳帝德越蘭津典寶陳謨氣象新已見瑤盤  
來絕塞還看玉敦列蕃臣春旗乍轉初耕乙凍甲  
纔抽更鍊辛嘉宴瓊琚聯藻咏詞臣詰屈意逡巡  
陶然亭送春

地僻亭長在春歸客易驚空看紅紫落無復管絃  
聲澹綠籠新樹斜陽掛子城流光惜晚晚吟眺有  
餘清

芝庭詩彙卷十二

十

四十年前事公車共盍簪雲烟頻聚散冠蓋復登  
臨北闕祥光護西山黛色深江鄉停鳳輦處  
處徧春霖

覺生寺大鐘歌

恭和御製

蒲牢伏地蟠金龍獅子交紐填青紅霜風夜月感  
時序立號橫武祛妖凶鏗鏘鞀鞀聲遠震浮金懸  
石制不同地出北門訪故蹟尚稽永樂開燕封金  
川功成奠九土聿移廟社陳鼎鐘道衍監造仿古  
式役使鳧氏鎔精銅全部華嚴並刻劃字畫端整  
中藏鋒掛向重樓架松棟六時僧侶頻撞杵北地



無端看逐燕南師旋復成沙蟲仄蔓誅夷焚烈火  
陰燐碧血埋孤忠賴有佛力資懺悔一聲響徹幽  
冥重法座莊嚴超歷劫刀輪障業歸虛空何年移  
置萬壽寺巨璫勢力污禪宗紛紛施舍求利益捐  
貲數萬投其中熹宗以後頓委地荆榛滿眼狐兔  
從熙朝建寺安妥帖彌天福祚昭昌隆錫名  
覺生當木鐸照徹圓鏡開顓蒙傑閣崔巍倚上界  
柱頭拱峙推神工時當清晝發烟霧聲隨長樂鳴  
天風土花斑斕映薜砌寶氣騰躍侔珠宮帝庸  
作歌七字燦西來大意澄心胸慧日懸晶轉星刳  
芝庭詩藁卷十二

十一

菩提結果菱蒿蓬穹碑屹立鎮淨土龍蛇入筆非  
人功證佛知見開祕藏大作獅吼昭羣聾却憐衆  
生喚未醒每從蝸角爭雌雄人王法王齊覺世白  
足頂禮多行蹤聲塵未了宰官現初心早已歸儒  
童麟書呈祥光郁郁鳳德告瑞鳴雖雖願假心傳  
入性海更聽法鼓聲逢逢

藤花廳歌

仲夏薰風調玉琯紫藤花發清陰滿纓絡垂垂蔓  
徑鋪柔條嫋嫋簷牙短空庭分幹直東西亭午朝  
陽判寒暖不爭芍藥鬪穠華會共丁香飄紫緞予



鄉尚書匏菴公曾領清銜築高館九流品藻無滯  
才一代銓衡效忠款風徽既邈可相師願學閭閻  
與侃侃肩隨舊例吏部侍郎啓事署頭廳判牘餘閒歸去緩鳳池  
兼署稽舊聞兼翰林學士銜雞樹堪棲得新伴丰  
茸千朶曉霞明珠綴玲瓏晨露漙雙枝倚户客罕  
來覓句寧愁春夢斷

得仲弟書因憶園中芍藥

仲蔚荒廬草不除殿春花發曉窓虛南園風雨勞  
相憶恰對將離寄遠書

綽約仙姿曉露溥編籬何必夢雕闌昔年曾奉

芝庭詩彙卷十二

十二

慈輿到汨灑春風忍獨看

藤花廳雨坐

檐牙急溜響奔泉嫋嫋柔枝罩檻邊綠樹雲深團  
座影清齋香裊炷爐烟麦秋方屆連陰潤蒲節重  
臨溽暑綿蓋井試尋繁露術缺訛誰為訂新編繁露

止雨篇宋  
本缺數行

賜園夜宿

萬樹清陰繞御園短牆掩映界籬樊游魚檻外

沿波躍宿鳥枝頭接葉喧宮漏丁東初退直暑雲  
靄靄遠連村廿年常傍清涼境水色山光自到門



雨過珠翻荷蓋圓蒲葵砌畔吐幽妍地同濠濮忘  
三伏人占蓬壺各一天亭榭半歌難騁望釣磯虛  
設獨留連蒼茫暝色林端起夢冷青綾自在眠

六月十三日奉 命典浙江鄉試恭紀

於越文明霞采蒸 時巡纔過又賓興眼中幾許  
無雙士品外誰超最上乘陶鑄須教金在冶範圍  
應觀木從繩遙思泮壁儲材日荏苒流光感喟增

題獻縣旅館

地近九河淹故道城環千室少高閨令君省歛憂  
民瘠過客停驂遠市塵一榻清風涼似水半窓濃

芝庭詩藁卷十二

十三

蔭綠成陰猶憐學子絃歌地西漢傳經澤未泯

館即

邑士書塾

自趙北口泛舟至景州

紅欄侵卧柳雁齒浸平波欲並漁人泛空增勞者  
歌吟哦虛歲月詢度未蹉跎塔影凌霄處輪蹄幾  
度過

齊河道中兒子紹謙自新城來迎口占示之  
濟水橋下流車塵路旁起兒厘牽裾情馬首瞻尺  
咫捧檄未為榮執掌差足喜借問邑何如政簡事  
易理最爾慎居官報國從茲始編戶洽琴聲墾田



興耒耜錦秋湖水平白蓮香十里地接魯連陂懷  
彼玉貌美嵯峨帶經堂文章燦如綺左道未及遊  
臨風企涯涘

宿泰安望岱作歌

虞書時巡紀岱宗五岳之一先東封至今祀典冠  
諸夏時開鳥道迎蒼龍水瀉一杯眺溟渤烟分九  
點披芙蓉帝臺百神啓觴宴碧霞冠佩脩儀容年  
來法駕三蒞止玉鞭先指泉林宮臣時留京虛  
遠思天門岌業誰能從茲因簡命自閭闔文章  
報國填心胸泰安一宿清寤寐瓣香縷縷抒虔恭  
芝庭詩藁卷十二  
十四

入江南境

朝經邾子城暮宿崕嶠驛本是江南人來作江南  
客雲凝芒碭深山映淮楚碧衰草被長堤阪田虛  
露積民瘼事咨諏僕夫苦行役跋馬尋渡船簡書  
凜朝夕前路逼黃河疏濬紆籌畫

過金山作

御製元韻

四面螺峯樹擁青畫圖金碧倒涵形水兼海國波



濤壯山入江南草木靈 行殿嵯峨輝五色上方  
宿頓紀三停量才幾度開珊網不使鴻飛入杳冥  
詠聚奎堂桂花同李璞菴

涼露如珠月色妍 樛枝密葉影連蜷 飛來鸞嶺湖  
山外墮向蟾宮几案前 香靄翻翻聞鼻觀 濃陰冉  
冉引爐烟 時當三五金波滿 不道青雲在遠天  
扶疎開落印苔斑 前度何人為折攀 千粟氤氲氷  
鏡裏 一株掩映碧紗間 仙宮早識施靈斧 別岫還  
耽賦 小山指點庭前無隱義 好同山谷叩禪關

西湖公讌詩

芝庭詩藁卷十二

十五

歲筵乍啓夢蘓堤 湖上清遊憶舊題 楊柳疎枝秋  
潦淺 芙蓉冷艷野鷗栖 司花神在起塵劫 畫舫人  
來印雪泥 競說春時鑾馭到 萬株金縷好禽啼  
管絃新曲度湖濱 畫棟雲飛不動塵 傾蓋萍逢多  
素侶 洗愁杯勸赴閒身 採香南國憐秋晚 對菊重  
陽覓句頻 回首絳紗殘夢斷 迭為賓主悟前因

歲予督學浙中晉寧李公來典鄉  
試今李公替學子來典試故云

西湖雜句

不雨不晴秋正佳 湖山無處着烟霾 最高峯引盤  
陀 勝迤折松篁隱半厓



裏湖外湖水滿堤湖心欄檻浸波齊高風只有林  
君復千載孤山白鶴栖

曾塑花神伴冶遊畫廊窈窕護重樓而今梵宇空  
諸相黯淡殘粧碧樹秋

歌聲掩抑罷飛觴公讌逍遙別緒長如此江山如  
此客百年幾度醉重陽

莊滋圃中丞邀遊龍井

高占湖山勝平吞江海光翠屏圍石室寒溜滴松  
岡似有龍噓氣遙聞井列香行人幾回顧陟嶺過  
風篁

芝庭詩彙卷十二

十六

海寧登鎮海塔同莊中丞

赭山相對峙按候海潮迴東旭扶桑湧中流白馬  
來曾聞百尺浦舊建越王臺獨上層霄裏虛空響  
迅雷

八窓臨窳堵萬象炯清秋佛力扶鰲極皇圖輯

瑞球廣場繁斤鹵新漲阜田疇指點金堤固關心  
未雨謀

新塘橋省墓

隔年親負土銜命此旋歸咫尺瞻華表淒清泊  
釣磯松楸承蔭渥綸綍載恩輝薦盈凝朝露披



荆楚夕暉陳詞焚素帛清泪染征衣郭碣文無愧  
歐阡韻未違傳經思舊澤為善悟前非望斷雲山  
阻情疑定省依啼鳥深夜夢又逐片帆飛

高郵道中阻風與璞菴同行

文游臺畔憶詩豪忽聽狂飈騁怒號淮浦堤長帆  
影落孟湖水滿浪花高連檣款語心初釋剪燭論  
文首重搔莫悵江關增旅思湖山風月屬吾曹

冬至前三日雪

霧霰輕籠遠樹梢紛揉徐覆廣庭坳羣欽帝享  
齋方致已見天心氣欲交葭琯未飛先甲日玉鱗

芝庭詩藁卷十二

十七

旋動一陽爻東郊淑靄鋪三白

北闕晶輝散九

苞會觀騰空翔鶴鶴真須掃地薦陶匏肥添土脉  
香芸茁暖待風光臘鼓敲老屋夜明驚鳥雀梅花  
殘夢到衡茅劇憐清興輸驢背覓句頭廳自解嘲

詔賜京城窮民綿衣五千領紀事

朔風淡朝曦橫林乾骸腴陽鳥違雪霜往就南方

燠爾民一何愚謀衣力不足清時恥為非歲歉生

計歲曝日負短簷手足寒皸瘡

皇仁散陽暉舉

念周蔀屋

特詔給綿衣溥施徧煢獨支領由五

城御史臺親矚挾纊自生溫布襦有餘幅陽回大



地春雪釀來年熟

詔三品以下京貲預支俸米

飲水為廉吏茹荼不言貧顧此盤中餐粒粒皆天  
珍庶僚沾愷惠 皇心憫艱辛市價或騰湧假貸  
須乞隣預支越常例輸載由神困城西官舍比枵  
白聲相聞粲粲盆盎實浮浮享祀芬饗飡裕朝夕  
職業專且勤服采任奔走體恤心維殷豈不念卿  
輔祿厚國體尊載咏伐檀詩有位宜書紳

題邵敦之梅花破屋鐙圖

寒林春意早梅舒疎影清香烟暝初折脚鐙中供  
芝庭詩藁卷十二

十六

茶具行窩吟嘯伴三餘

怪底新詩徹骨清竹爐活火試同烹窓前香雪瑤  
琴弄夢裏江城玉笛聲

題秦鑑泉學士瑞芝圖

晨光淡簷暉墨香潤微雨芝草擢靈華秀色映庭  
戶一本茁三英金支燦瑤圃寒薨浥榮泉叢蝶栩栩  
然舞連蜷互因依屈曲半含吐屋角遠風來芬芳  
襲蘭杜披圖燦明霞瑞氣鬱亭午秋光古甕淨石  
髮清可數福應豈偶然嘉祥爭快覩徵事及懷家  
年深嗟朽腐濟物無垢氛予懷在述祖



題殪虎圖

木蘭之北圍地名岳樂奇峯秀出雲表岩有  
虎穴壬申秋 駕行圍以神鎗殪虎刻石記  
其事辛巳九月侍郎錢維城承 命繪圖兼  
以底本贈毅勇公明瑞囑同人賦詩

川原蕃膴甌脫蹤楓丹榭綠霜氣濃揚燿表貉列  
衛重磨麇麇麇來往逢木蘭直北圍場空云是岳  
樂之高峯 至尊大畋耀神武草淺林疎伏猛虎  
神鎗一發胸臆穿石狀礮研日卓午弓開月滿飛  
鞚馳電掣虹流合羣聚遂 命侍臣圖繪之雕鏤  
芝庭詩藁卷十二

十九

真宰墨淋漓點綴螺峯寫蒼潤依稀障塞靚晴曦  
三驅未奏長楊賦六法偏工染翰池司農毅勇隨  
天仗愛此行龕作珍貺興安嶺畔跨征鞍伊遜  
河邊卧氍毹藝事能兼內翰才詩情搃在秋旻上  
我亦曾隨寓集林柳條邊外敞登臨衝颼蕭颯飄  
黃葉猛獸斑斕試綠沉披圖想見行圍樂贈遠偏  
慙倚馬吟

恭和

御製職貢圖八韻

梯航萬國拱 王春丹穴空桐職賦均大地河山



同戶闔普天玉帛凜尊親遄來應自輕重譯歲至  
寧煩設九賓日暖旃塗靈鳳集花開元圃白環臻  
舟依北斗瞻皇極律奏東風識聖人土物斑  
斕龜貝古卉衣淳樸性情真星躔綿邈旁通海雲  
漢光華上燭辰乙夜披圖宵旰切八荒聲教共  
遵循

恭和

御製用庾信詠畫屏風二十四首元韻即效其體  
並命金廷標為圖各題其上元韻謹序

自夫釋名紀障風之用禮經垂當宸之稱比

芝庭詩藁卷十二

廿

鏡水之開簾雅蕪藻續譬房櫳之對幌間設  
瑠璃廼者睿思淵涵宸章煥發數庾信  
清新之什選勝春臺邁唐宗月露之篇標題  
秋日於時雲生甲帳日麗瑤階追琢相輝鏗  
鏘間發攄彩毫而綴句瑞湧三花命畫史以  
圖形繡成五色神融萬類樂草木之皆春意  
括羣言絢星河而有耀是則化工在手不假  
鑪錘茂對因心難名懿美者矣臣久依禁  
近夙荷陶鈞欣際作歌輒思康載縱窺天測  
海矢音莫贊高深而櫪馬淵魚識曲難忘舞



拈謹循元韻用綴鄙詞

綵勝韶年集華平瑞葉開觚稜九霄迥雕輦四方  
來舞飄彩袖轉歌逐紫雲迴青春饒麗景勸泛流  
霞杯

芙蓉舊名渚綠漲曉風前橋平度虹影岸曲轉蘭  
船翠蓋承朝日明燈映新蓮太液紅雲滿花枝正  
欲然

上苑暖回春芳華瓊樹隣雲階迥得地月榭更宜  
人翠禽鳴曉色玉笛轉歌脣幽香一披拂靜覺瑩  
心神

芝庭詩藁卷十二

廿一

一灣流水碧九曲武陵源紅雨點漁艇綠蘿遮洞  
門看竹尋芳徑隨雲到紺園松風仙樂響徙倚古  
槎根

洲景引春賞聯鑣逐綺遊花茵點瑶席杯酌泛漪  
流絃管調鳳曲雲霞繞瓊樓逍遙並仙侶底羨碧  
琳僊

罽毼繡網接碱陞綺雲連珠串歌迴雪柳腰舞應  
絃香起博山頂奩開團扇前捧觴歌曼壽玉律駐  
芳年

凝笳翼飛蓋隱隱響雷車流蘇裝七寶綺褥繡三



花蛾眉愛澹飾珊珊謝繁華蘭池陪夕宴樓月未  
西斜

優曇開法苑貝葉點珠林毒龍收瓦鉢鳴鶴調松  
琴朝雨施有法獨樹靜無心妙鬢千佛境暈靄白  
雲深

芙蓉起為館玫瑰葺為堂流鶯勸玉笋海燕棲玳  
梁塵拂瑠璃淨衣薰蘭麝香翠鳥窺窓牖山花落  
筆牀

虛檐桐葉落曲沼荷香飄擣衣憐靚影停杼促纖  
腰天光雲寂寂風色樹調調含情泛瑤瑟流響遠  
芝庭詩臺卷十二

栗姚

廿二

鴻漸奮雲路招賢須網羅金莖承湛露螭陞叶賡  
歌華綬耀垂帶新衣謝製荷朝陽集鳴鳳藹古徵  
王多

鏡裏晚芳墜風前歌蓋懸連漪泛紅蓼絲蔓觸青  
蓮傍柳岾初轉採菱人欲前雙峰似螺髻倒影漾  
花船

傑閣構山址上與層雲齊仰摘星辰近不知牕戶  
低青松舞皓鶴紅藥引仙雞巖戶稀塵跡幽禽相  
對啼



長楊親校獵小苑數經過  
弓滿對圓月矢勁激流  
波旌旗雲蔽野貔虎氣吞河  
幕府兵伍肅燕山功  
績多

飛巖矗霄漢絕迹儼方壺  
花氣薰茶竈泉流滌笋  
厨鸞鶴嘯還迥松喬興不孤  
齋心初鍊藥燎葉石  
為爐

雲外駐星駕河梁渺且長  
輕烟籠遠岸細草藉長  
楊山館延素月花房度暗香  
盈盈隔簾箔千里共  
清光

紅塵吹不息四望層城開  
高第鳴鐘動長楸挾彈  
芝庭詩橐卷十二

三

來樹影遮銀轂花香蘸羽杯  
不辭塵障面歌袖拂  
雲迴

威名票姚將勇畧在從戎  
玉桃陪上宴金埒入新  
豐秋水三尺劍明月一張弓  
射鵬誰騁技白雲回  
望中

林深多逸鳥水濶得縱鱗  
四海遠為客千金持贈  
人旗亭麗朝旭鼓吹宴深春  
大義期久要寧同越  
與秦

朝暉映古木夕景媚清池  
泉溜雜松響荷風拂檻  
吹草藉黃金勒禽翻碧玉枝  
長此開華宴一壺花



下歌

層阿抱巖谷嘉樹傍蕭齋松鱗風外脫蘚屐雨中  
埋邈矣義皇思悠然濠濮懷蒲輪徵隱逸金門合  
與偕

春風香滿路到處翫芳菲竹裏黃鶯嚙花間蛺蝶  
飛流觴叨列坐單襜試新衣逍遙真自得日暮忘  
詠歸

翠虹橫碧落文鷁漾漪流塵淨烏皮几風搖青翰  
舟蛟宮難問筏蜃氣欲成樓乘槎今有客星漢坐  
中浮

芝庭詩藁卷十二

四

紈素照瑤席績痕映酒杯輝光徹表裏疊障玲瓏  
開蓬壺景非遠麟鳳瑞皆來盡史施朱粉藝苑比  
調梅

清明後過萬柳堂有懷馮益都相國

禪林閒傍薜蘿封掃徑無因識舊蹤折柳路遮芳  
草碧賣餚人赴曉烟濃青山排闥杯觴舉黃閣招  
賢几杖從歲晚乞身公計得冶源風月自從容

中秋節閱錢胄伊同年培園詩稿有集予寓

齋觀南華清秋待月圖蓋乾隆二年事也

縹緲涼天月似銀當年佈席有佳賓詠懷跌蕩留



長句對酒蕭騷際令辰閱世已曾經小劫夢遊仍  
復踐緇塵南華妙繪常堪玩翹首蓬山光景新

武闈校射於得勝門外

曠野清秋落葉飛八方貢士望朱旂雍容觀德徵

三矢仔細量材判四圍

圍分天地  
黃字四字

起距雄姿排隊

伍騰驤逸足騁郊畿

熙時待奏長楊賦塞外秋

畋草正肥

樞府新嚴命中程不教選藝驚虛名

新例合式字  
號不准入場

弓開滿月舒猿臂箭發秋風激羽聲自古鷹揚多

偉畧於今虎旅峙長城亭灣校射猶前日沒鏃還

芝庭詩藁卷十二

五

思古北平

同年王孫同招集錫壽堂即事

蘭膏吐燄壁籠紗邸次飛觴樂事賒黃菊留香人

益壽青山如畫客思家霓裳聽徹仙音渺甌飯炊

來髻影華

時演長生殿  
邯鄲夢雜齣

日下舊題追彷彿眼前指

點盡飛花

和傳謹齋同年移居四首

趨朝時染御爐香卜宅還依比舍郎風月亭臺容

嘯傲烟霞心跡就清涼一枝許借安松棟八斗同

傾醉羽觴君是天南僑寓客矢音桐蔭集鸞凰



山蘊風雅並新城曾為移居詩屢成

居繫田山  
舊宅

幾

閱歲華隨水逝尚留花木競春榮慈仁古寺遙相  
接宣武崇坊舊有名最是放衙歸去早軒窗展卷

午風清

十丈紅塵捲碧堤西山遠隔鳳城西玉珂橋畔看  
馴象金柝聲中聽曉雞書束牛腰誇壯觀詩成驢  
背好留題藤陰竹徑纔分藥取次繁枝壓帽低  
携來家具儘依於恹歎無煩問卜居得地安安原  
是客容身碌碌竊慚予星輶曾躍昆池馬鄉味常  
懷笠澤魚曝日心情惟望歲苑簷風景近何如

芝庭詩藁卷十二

六

望山師相入覲賦送春歌屬和

百六韶光何處住行踪千里輪蹄度黃髮新承

紫禁恩節旄幾閱關山路菜甲青青望裏看落英  
片片紛無數東皇何計可留春烟景迷濛送行處  
一聲鷓鴣叫春歸夾路垂楊拂塵去元公嘉澤徧  
郊原父老携壺樂農圃紅雨潤滋餅餌香綠陰蔽  
芾甘棠樹四時景物盡如春奚悵迎新與送故浴  
沂禱雩屆芳辰藉草鋪茵得閑趣朝來有路築沙  
堤待公歸來春未暮

觀象臺



周天三百六十五去地九萬有一千茫茫大造真  
莫測觀星之臺始何年虞帝璿璣制初創姬文載  
咏靈臺篇銅儀鑄自漢宣帝述相述作逾精研古  
遺銅象十三座我朝新鑄居中圓西洋算法窮  
杪忽橫亘尺度羅星躔五金之精發異彩四柱屹  
峙生祥烟我來駐馬歷臺上落落萬象光芒懸超  
然置身六合表欲窮造化元中元側聞人主象太  
乙執德馭世無頗偏敬天以心不以器神凝於穆  
非言詮蓮漏聲傳初日曉龍樓彩映紅雲鮮幰願  
雨暘協疇範天人一氣相回旋

芝庭詩藁卷十二

廿七

恭和

御製恭奉

皇太后啓蹕幸避暑山莊作

溽暑初收白露天羽林肅肅飭于旼安輿路坦  
傳珠勒上塞風清護綵旃表貉徐看鷹脫架馳騄  
不碍犢犁田近畿歲稔徵民樂七月歌幽例往年

恭和

御製降旨免經過州縣賦十分之三詩以誌事

損益有常經易象義攸取鑾輿重秋巡甸服百  
里五方當夾道迎早釋荷鋤苦膳黃詔蠲租首



程快先覩省歲值豐穰從好洽風雨滌場築囷倉  
除道護稷黍收來畝一鍾稽彼人四鬴天既畀爾  
康帝復恩逮汝幽詩詠大田無逸繪廊廡勗茲  
畿輔臣撫卹寧小補

熱河山莊 賜宴恭紀

流杯亭外起瓊樓玉鐙珠鞭列坐周是處雲山堪  
入盡更聞韶濩最宜秋紅牙紫竹鈞天奏琪樹瑤  
華湛露收香菓賜來隨拜舞不知凡骨到瀛洲  
寺名永佑衛離宮鴈塔高標峙昊穹堯酒逢時堪  
醉月舜絃揮處恰呼嵩魚依蒲蓼齊觀樂馬識旌  
芝庭詩藁卷十二

廿

旌欲遡風陸庶稍需涼露節山莊覲享豫遊同

觀演勸善金科

欲徹人天最上層善緣歷歷引梯登青牛度世來  
關尹白馬傳經遇梵僧早信真常原不滅本來圓  
覺證誰能雲軹芝蓋凌空舉頓使清涼散鬱蒸  
蝸角從來有戰爭建中遺事足傷情綠林擾攘多  
乘轡白馬縱橫自擁兵誰使腹心輸佞豎却憐菹  
醢到忠貞早知受諫無今日終古金城孰敢傾

演

德宗  
時事

入回中五首



自入回中路周陟極窈冥雲迎馬首白天落嶂邊  
青最愛秋林古時聞茂草馨長楊羞獻賦荒服幾  
曾經

昨夜西風勁擅廬着早霜變容收黛綠木葉變鶯  
黃疾走坡坨上凌晨衣袖涼八杆旗已偃萬騎擁

山岡

顯景澄榆塞秋高照錦旗駝峯銜落日馬尾浴長  
川箭向深巖入碑從絕壁懸時暘占歲稔宿頓起  
炊烟

蘭膳先調御官庖次割肥羽林俱合隊甌脫亦隨  
芝庭詩臺卷十二

尤

圍宿莽無彪伏深叢有雉飛披吟從帳殿子墨不  
停揮

庖蹕思前事長驅到吉林棐戎慚秩峻侍從感  
恩深豹畧疇能展霜華早暗侵龍沙堆百草回  
首動歸心

和傳謹齋通政來鶴堂詩二首

仙羽振九霄翩然從空下頰首視塵寰茫茫同野  
馬玉堂即蓬壺栖止自蕭灑毳毼羽衣鮮冠頂顏  
色赭何必薄金門此真大隱者好伴偃佺翁乘雲  
時一跨



君本天南傑萬里馳遠心  
賡歌揚太液清風協薰  
琴鶴來應有意長鳴方在陰  
亭亭頓脩趾戛戛依  
寒林淡交託君子靜對酬  
知音淳意有感孚混俗  
寧浮沉

芝庭詩藁卷十二





